



藝海珠塵

14
1627
34



門 44
號 1627
卷 34

藝海珠塵

集部別集類

南滙 吳 省蘭 泉之楫

華亭 姜 兆翀 如三校

王義士輞川詩鈔卷一

王 雲 翬 雲字勝時晚號僧士原名溥江南華亭人明貢生初在幾社為陳子龍弟子子

龍授命雲收葬之有輞川草文無草及遠遊記雲間第宅志

五言古詩

三子詠

往余與邵子景說徐子惠朗張子處中同作詩
我師陳先生稱為四子焉景說青門之作惠朗

藝海珠塵 輞川詩鈔卷一

25 10 20

心穎之吟處中檀齋之章鄙人輞川之詠各有
篇什未遑問世乙酉遭亂邵子先逝丙丁之際
先生廬居借余三人復有倡和未幾先生蒙難
徐子客死桐山二子年僅三十餘耳余與張子
浮沈三十餘載年皆踰六十辛酉張子客死宋
城悲夫感念舊遊各賦一章魏文有言既痛逝
者行自念也

邵明經景說 梅芬

邵子珪璧姿矜情標孤尚湛思契冥默敷華結元暢高
彈流水音獨發期賞 存古稱君詩勝轅文 零落青門瓜遺簡增惻

愴 詩三卷

徐茂才惠朗 桓鑿

徐子南州彥神鋒表英卓心期叶箕穎 陳先生以偉長目之題其堂曰
心穎有詩集 機鑿負荀郭 君好稱三國人物 龍眠道孔修鴻真慕寥
廓一劍余不忘九京安可作

張明經處中 宮

張子韞祕略嶽崎迢潛修伐檀勵安節 有檀齋詩集 濯纓俟
清流荒蕪三徑草汗漫五嶽遊悲哉宋子城日暮臨高
丘

二士詠

藝海珠塵

輞川詩鈔卷一

王伯子玠右仲子名世隱居終身有壘上九之義可謂士矣

王明經玠右光承

伯子殆庶英韜光東海隅被褐抱太璞帶經時荷鋤環堵間金石有懷在黃虞矯矯歲寒姿皓首志不渝

王茂才名世烈

仲子潛龍德正中寄高尚識度測淵淳語默符爻象履道終幽吉葆真守真亮至人貴無名真契將安仰

婁東二張先生詩

二張先生者張儀部受先張庶常天如也吳郡

前有文姚文文肅公震子孟後有二張雖名位不

齊而後先接武海內清流推為君宗焉崇禎甲

戌余年十六始及二先生之門儀部清裁峻烈

直同孟博庶常識度淵夷望若林宗並稱倫鑒

欣遂師資辛巳庶常蚤逝余賦詩輓之癸未遇

儀部於越中亦有投贈之作人之云亡邦國殄

瘁偶簡舊什不勝今昔之感為賦一章

張儀部受先

彭澤鮮宦情浩然賦歸與為臨川令負郭無車轍偃息

惟蓬廬荒徑存松菊枕席羅圖書好事或載酒屢空亦

藝海珠塵

朝川詩鈔卷一

三

晏如訪道探禹穴惠然止巾車以訪劉忠端公講學至越微言便晨夕撫時常歛歎敢惜老馮唐自歎失史魚在越語余云與史道鄰同識也板蕩王風歇流離湖海隅水霜洵有節金石永不渝耿耿瞰日心悠悠詠唐虞

張庶常天如溥

吉士千仞枝德輝照琬琰管邴敦同好七錄肆閱覽與儀部同讀書於七錄齋河南明水鏡平輿高月旦登門生羽儀同向增企羨阿閣巢未安東山情所玩以忤時憂讒居數年香草徧巖阿季女自婉孌朝景倏西頽長夜何漫漫空求茂陵書竟絕廣陵散有詔徵其遺書天道弗復論蓬萊水行淺庶常

無子歿時去甲申僅三載耳賞音負中郎微名慙元歎余少與庶常同名陳黃門此馭子所云與兄同名者也

延陵二君詠

昔東漢有三君之稱光祿有五君之詠民譽所向春葩並榮激揚之風秋霜比烈是以俊及跂而弗逮濤戎軼而不錄斯為繇好豈曰阿私同郡吳孝廉含文吳茂才曰延陵之秀民人倫之碩彥也皆以潛德絕學光祿真微獨遠謝塵氛抑亦道靡繼磷矣孝廉卻軌東臯今躋大蓋茂才屏跡南浦久已踰蒼而峻辭禮俗并絕

音徽非所以崇齒德修憲乞也不有誦述何以
風世爰賦短章用存微尚

吳孝廉含文

延陵表國望先德樹駿烈蔣山雲莽蒼石城水幽咽司農公大節人尊
真考功作傳有傷孝子心無忝所生節素衣時霑灑白
帽蒙霜雪束書悲手澤徒步忘履決田園亦將燕車馬
久云絕伏臘修古制曾元森成列安知魏晉年長歎黃
農沒淳風雖縣邈太璞靡利缺駐景愛餘暉言濟渭川
業

吳茂才日千

猗蘭馥中巖白駒在空谷入山何用深逃名砥頽俗幽
人履坦道修士好奇服拂衣朝市塵脫屣王侯祿惟從
仁祖餐愛就林公宿元言味秋水湛思窮韋竹貞疾協
嘉邈天機存淵穆何人慕鴻冥况乃辨龍伏楚楚視蜉
蝣夢夢任蕉鹿願從無懷民渾然忘氏族

昔友詠

崇禎初吳中名士有應社七子之名我郡周太
學與焉太學又與同郡夏考功陳黃門杜職方
徐孝廉彭司李復有文會所謂雲間六子也應
社道廣更名復社遂為當世所指曰矣歲在壬

申我郡有幾社古文辭之會於時李內史顧徵君諸公倡和始盛風雅之緒以迄於今余生也晚及見先民或年長以倍或十年以長雖潛見殊塗後先謝世皆一時接席誼兼師友之儔也言念昔者各賦一章若陳夏徐三公以及李內史存我何職方慙人別有哀挽茲不重述

周太學勒卣立勳

汝南人倫宗大雅振羣彥羽儀照八紘搖落歲云晏飲醇疑鳳衰秋飈憐紈扇俛仰黃墟游山河起長嘆

杜職方仁趾麟徵

廿陵起華胄先覺乃樂羣幽迥渺衆慮沈鬱耽元文燕臺業未遂鄴中聲彌聞何當大藥成促轡逐鸞輪公辛未登第與陳夏諸公欲舉燕臺之社未果壬申遂有文選之會癸酉卒職方登第後余始升堂以列敘名輩故不敢遺焉

李內史舒章斐

隴西曠世才逸氣凌風發慷慨緹縈義沾灑河梁別春秋有代序金石無異節空負子羽責坎壈生悲咽是時陳李齊名公以訟父竟流落燕京甲申父殉難後歸葬與陳先生別復入燕而卒嘗作髮責文以見志

顧徵君偉南開雍

徵君早好道凝神在無言元義暢秋水白賁樂邱園海

鷗自翔泳孤雲時往還浩蕩濠濮想優游夷惠間

彭司李燕又賓

彭君雅任達蕭散同玄味欣遇自忘機閒情夙所寄來
往多遺民大隱亦傲吏洵美嵇呂交青雲施後世

徐太學聖期鳳彩

東海盛賢豪仲子懷耿介閉關蓬蒿中棲慮雲霞外銘
背畏多言觀井慎自愛三復小宛詩淵冰凜相戒君為
聞公

弟武
靜兄

盛茂才鄰汝翼進

盛子才不羈天懷秉通簡高閣俯流湍嘉賓娛清晏星

落感知希霜實悟時變猶傳孔公書惟發孝章歎謂聞
公也

朱庶常早服積

吉士儀紫庭覽輝下千仞不周忽崩摧瑣尾鬱孤憤乘
桴道可從哀郢天誰問仲翔有知者無遺青蠅恨

宋待詔子建存標
太守尚木
徵傳

雙丁集建安二陸同入浴小宋守南海大宋附東郭出
處各有志著述聯華鄂大業在文章千秋終有託所著
有標

鄂新
詞

昔友後詠

余既賦昔友九章矣復憶平生朋好年齒漸亞

零落殆盡次第疏之得如千人皆五十年來懷
鉛摘槩之友也再賦短章以贖前什其他義合
嚶鳴未親翰墨雖景同岑不敢攀附若邵子景
說徐子惠朗張子處中各有專詠玠石名世已
賦二士張子子服夏子存古別有哀挽俱不重
述

翁茂才扶九起鵬

翁伯杜德機泊如守玄默披帷得斯人縱橫羅墳籍譚
詩入重淵研精忘漂麥遂絕伯牙琴咸抱鍾期惜陳夏
生見其文
皆為歎絕

陸茂才亮中涵昭

我生始舞勺之子方橫經投分遂忘言一言畢平生車
馬絕窮巷圖史列南榮壯遊悵難再淺水觀大瀛君嘗
游閩

宋茂才人峩卓

宋子蘊古義志約道彌敦風雨貞同好棲遲安衡門便
腹寧見嘲如雲匪思存一經嗟莫傳天道奚足論

陳茂才子威爾振

陳子擅玄理微言探幽蹟逍遙祇樹林偃蹇維摩室垂
老愛窮交撫今話疇昔永懷採芝翁商顏邈難即傳南
目君

為四皓之一

杜太學徠西

駿徵

茂才端成

甲春

我思杜陵人少從竹林游大阮瑤華姿小阮青雲流早

凋惜淑景晚節悲凜秋安得凌風翰招君歸南樓

徠西高樓

余輩觴詠處也端成先逝

楊茂才范友

時琦

楊子美修能深致雅自喜翰墨有餘思羅綺不勝體嚴

霜先秋零曜靈倏西逝離離蔓草間埋樹情何已

徐茂才元宣

熒

徐子隱東海抱質同握瑜結契意纏綿造次度委蛇敦

舊砥薄俗味道甘違時終此季生諾冥冥良有知

君嘗索余

張明經子退

密

張仲湖海士豪氣軼古今蹉跎圯上書伊鬱廬中吟伏

櫪嘆遲暮倦羽思故林為君發孤憤要離知此心

君歸自虜

州余歸自楚遇於吳門賦詩有相逢却在要離墓之句

徐茂才武靜

致遠

徐子魁然姿聲華馳八極春令當在原飛鳴不遑息飄

風無終朝危巢同拊翼始信烈士心不異魯陽力

武靜闔公

弟

公每朱壘

朝川詩鈔卷一

八

宋中丞轅文 徵輿

宋子蘭臺儁天濛輝東壁御李阜升堂遊陳偕八室蜃
化物本感豹變邁時革一遺西河悲頓悟無生益 君早從雪

嶠大師遊嘗註內典晚有西河之痛

張少參子美 安茂

張子本鳳毛早發桑弧志陶朱未忘情美言若可市宥
坐閣常理行野匪異視達人齊物我引媿桓生忤 君夫

從姑也

范太學樹鏃 形弧

范子志倜儻閱覽若性成正索窮稗野短長雜縱橫西

尋河湟塞東遊元菟城牢落燕市中悲歌涕沾纒

林茂才平子 子襄

林子篤好學窮年恒矻矻有時擷香草幽光散綺席狂
簡不受裁忿狷終嬰疾長往將何之 君工於詞

卒於嶺南

陶孝廉冰脩 懔

陶子仗奇氣羸落樹貞翰慕義有遺風急善不遑飯同
聲應吳越小巫驚河漢飄渺赤城霞長夜白石爛 君少

晚為天台廣文感憤而卒歸葬白石山

周太守宿來 茂源

周子開文園蒐獵方及時大言盛雕績小言紛迷離元
瑜致翩翩康成擅經師至今處士星猶照隴上碑君嘗從陳先生游越復授夏子經後出守處州州上應少微星

李茂才公寧苞根公峻大根

二子同仙根風雅研四始龍門宗李膺鹿門訪徐庶年
少謝朝華老驥空遠馭隕籜隨風吹唱和誰予汝二子從姪閻公門人

張明經子固安苞茂才子周世揚

清河三世交中歲諧夙契既在紀羣間彌深管邴誼余
從道山歸君歸道山去華屋如生存敢忘須友意子固為先

大父門人後同其嗣子周與余讀書須友齋余游閩歸子固父子相繼去世諸友中子固齒倍長以同學差晚故次第及之

顧茂才子韶家駿

顧子稱夙慧無雙並江夏考功早授館內史欣方駕好
我居南村西窻風雨夜後事付鍾君我徒敢自暇君為夏考功館甥與存古同學近授經于余家計餘載君年少平余故有荀公達之歎

蔣侍御大鴻平階

咄嗟杜陵人亦是悲秋徒乘桴一何勇移山豈云愚搖
落惠文冠流離滄海隅魯陽不可作視此白日徂外師人

年七十客死會稽杜陵其別字也以下續詠俱繫以年

曹茂才魯元 思邈

譙國老遺民鬚如蝟毛磔結友傾原陵嗜古羅金石醉
向黃公壚晚入支公室買玉喜得羊墨池重生色 近代書家

惟君有二王法年八十諸友中享年最永

林茂才武宣 子成

林子野鶴姿高步凌青雲珪璧砥無瑕龍鬚尊其文薄
游知者希末疾悼斯人猗嗟廣陵散安得老尼聞 薛六

林明經安國 子應

林子冠五常晨星獨落落百代供網羅窮年探邱索交

輕叔牙金義重季布諾為君謝逋客元亭未寂莫 皆述史學

晚始成書兄弟五人君長而獨壽年七十有四

錢太學子璧 毅

東海有逸民逃名名相逐言授伏生經終辭晏容祿長

安非我鄉平津非我族邈矣江漢思浩然遂初服 君嘗自號

東海逸民久客大名成相國家自楚歸里年七十有九

郁孝廉遜士 繼垣

郁子介如石絕塵身守靜貞松歷歲寒孤鶴濯清冷月
出照青毡頽然形贈影與至一揮觴人醉何必醒 年八十有

陸孝廉集生 慶臻

陸生奇偉姿高視凌一世蹉跎入洛年激昂伏櫪志遠

山看幼婦候門喜稚子愛此百齡身再聽倚書履七十

舉一子曾祖文定公壽至百歲年八十有一

翁茂才子上 起鵞

翁仲舞勺交鄂躡相輝映同席讓邠原談詩來匡鼎久

謝朝市塵遠發滄溟興陽谷有餘暉願言樂駐景仲子與兄

扶九單子為昂皆余少時同學

單孝廉為昂 順

單子守道素大樸存天質羸眼若不勝安步度弗失談

元獨鼓掌忘機每移日禽慶問尙平婚嫁何時畢年八十有

來友詩

我郡僻處海隅舟車罕至我生之後風雅道興

應求所感始有自遠方來者矣百六之會復有

流寓焉鄙性簡率索居寡儔下交投分寥寥無

幾近或經時遠或累歲久要之誼于今不忘憶

而記之以當晤言若乃楊中丞道在師資孫司

馬尊居先達是為君宗非同蘭石至於憑軾而

來接淅而去傾蓋論交記憶靡盡俱不及焉

淮陰郭茂才岱輿

為瑀

郭子淮海客磊砢干人英少締勺象交申之車笠盟青

雲陸機宅白髮韓王城思君折角巾潛然涕霑纓崇禎初君

從其尊人來為博士師余定交焉三十年後晤於淮陰

豫章周茂才默而

象成

周子豫章材輪困被奇服手握靈蛇珠石剖荆山玉黨

錮耻西京倫鑿名東國何意章江濱清流今濯足君少游我

郡識勅向于未知名時及黔中楊中丞龍友先生來為

邑博士延君授二子經乃復至松先生命余同學君好

黔中李孝廉卓如

可立

李君生荒裔特鍾山川英登廟璠璣器擲地金石聲折

旋若中矩吐屬自成經越臺邈何之我將訪蓬瀛揚中丞妹

婿為餘暨廣文亂後音問遂絕

黔中楊都督愛生

鼎卿

司農貞生

元卿

華陰驚驟貴鱗翼爭飛揚長者黃金印少者尚書郎愁

雲迷北固靈旗偃枯蒼朝南復何恨東海亦栽桑二子皆中

丞子同時殉難梧州

白門盛山人白舍

丹琳五琳

盛氏兩璧人畫苑稱二妙長齋事空王澄懷觀至道中

丞虎頭癡宗伯鄭虔老見之皆歎絕手題黃絹好中丞畫友

為董文敏所賞

西蜀老比邱孤筇走吳越香清曹溪水秀削我眉雪顧

弘忍

我忽微笑賦詩相贈答年年鄧尉梅花光照五葉

中丞禪友

著五宗救

松陵沈山人元子孟

山人氣如虹遨遊州有九淳于每絕纓班書皆上口感

慨子公金崎嶇襄漢寇酒酣耳熟時浩歌動牛斗

沈子好讀

漢書嘗游楚遇寇作文紀之

武陵陸茂才驥武

彥龍

陸生足跣士夫矯致不羣氣吐伍相潮手弄三山雲怒
髮指慶卿沉醉罵伯倫漫言南越裝空蹈東海濱

客死閩中

淮陰陳黃門階六

台孫

楚州有酒人風度何瀟灑避地來五湖避世還金馬羅

襦醉一石清歌傾三雅何似高陽徒使酒輒嫚罵

君自號楚

州酒人

桐山方文學直之

其義

方子千里駒權奇驚神駿昂首排天門八極無留躓毋
發廣武歎長抱富春恨思君分手時令原涕長隕

甲申冬別

余曰言時其兄無可先生方有遠遊

桐山陳進士默公焯

孟公不得志抽簪遂初服枕流欲洗耳尋山堪娛目倦
遊時閉門著書獨仰屋頓豁虞卿愁終獲塞翁福公有耳疾

桐山孫進士振公中麟孝廉易公中象

二孫喜翩翩濁世佳公子攜家烽火中避兵菰蘆裏念
此患難交何意成隔世一化薊門烟一走雲中死二子皆孫

同馬魯山先生子振公登第七日而卒易公客死雲中

桐山戴孝廉山民弘烈

谷水同鼓櫂燕臺重班荆萬里復相見乃在錦官城爰
辭曼容祿言陳令伯情此志嗟未遂烏鳥常悲鳴孫司馬坊

余入蜀時君為成都令辭官終養未行而卒

桐山方茂才田伯中德

方子舞象年遭亂違鄉井相見樂令座冰玉同輝映緬
焉陽岫思登臨時引領烏飛月中驚栖愁未定孫司馬壻

無可先桐山劉茂才臣向漢

劉生任輕俠聲名傳樂府羈旅多故人棲遲成樂土尊
鱸生秋風酒酣醉起舞長吟縱陽歌惜哉無漢武孫司馬客

武林陸茂才麗京圻

陸通歌鳳兮往狂何所之五噫滿天下斯人邈難追鴻

飛自冥冥將雛鳴何悲昔為西陵栢今作南華枝君東家出

游其嗣冠周編訪未
武塘蔣茂才象鴻象

蔣詡開三徑招尋得二仲攜手弔湘流日落悲風動同

此秦失號能無阮公慟斯文惜後死祝余有餘痛蔣子

陳先生之門先生沒後同
麗京來訪遺文未幾天李

大勝扈正上人廣育

我從陶謝遊嘗入遠公室種蓮自有因採菊亦所適聚

散等浮雲去來無遺跡惟留不夜光炯炯照虛寂蜀上人

居武塘大勝寺為錢彥林者公詩畫友西戍間
余從先師每寓寺中上人移錫至松未幾而化

終卷

藝海珠塵

集部別集類

南匯 吳 省蘭 泉之輯

婁縣 張 璇華 查山校

王義士輞川詩鈔卷二

王 雲篋

五言古詩

北哀

哀鄉人之死難於北者也崇禎戊寅冬深州陷

州牧孫公死之甲申三月寇陷京師宣城伯衛

公司空王公李公中翰宋公死之我鄉三百年

藝海珠塵

輞川詩鈔卷二

來死事之臣自孫公始甲申之難勲臣盡節者
宣城一人而已特表之為邦乘光焉

贈太僕寺少卿深州知州孫公士美

朔風起沙漠黃塵蔽幽并雲散漁陽騎凍合滹沱冰公
也奮義烈孤壘無宿兵誓眾朝乘陴鼓勇夜襲營矢盡
援復絕尙聞枹鼓聲再拜向北闕賦詩蕪蕪亭揮手引
佩刀碧血灑長纓老父七十餘奮袂捐餘齡少子嬰白
刃長子哭秦庭明詔旌其閭爵以漢亞卿常山兄弟節
深州父子名峩峩鄧尉山鬱鬱滕公城葬元墓山二
孝子詩見後

宣城伯衛公時春

雲雷肇天業麟翼羣攀附杖劍辭故鄉功高華不注盟
府載策勲珥貂錫珪組奕葉啓英喆忠孝承家祜夙夜
奉朝請威儀謹侯度國屯遶陽九輿蓋歛頌播鼎湖籠
旣昇攀髯長號慕前驅上紫霄闔室歸黃土嗚呼三綱
絕君父委行路盡看冠冕裂徒逢豺虎怒赫赫宣城公
獨砥中流柱志爭日月光氣尙虹霓吐排雲叫軒皇重
掃崑崙霧職公之先為邑人從洪武開闢功授
職濟南其後以戰功封伯居京師
贈太僕寺少卿工部主事王公鍾彥李公逢中
黃巾絕地維黑山飛天狼妖替掃北極烈縮焚崑岡簪
纓求草間槐棘伏道旁落落兩列宿慷慨植天常王公

大父行儒服道不忘李公起謫籍白首復為郎一朝臨
大節同志凜秋霜並膺回伯命永為題柱光臨沂嗟伯
道隴西賦河梁君親自有義出處各有方寄語執簡儔
千秋垂芬芳王公嘗與先大父同官吳郡博士無子
李公子襲守父喪於京師丙戌始南還
中書舍人宋公天顯
內史席華廡家世乘驄馬公祖為中歲厭塵氛冲懷被
儒雅棄家賦遠遊羣空冀北野結客五陵問悲歌燕臺
下平津延東閣論文休沐暇典冊追燕許奏對推董賈
委蛇紫宸朝寅恭宣室夜蛾賊射天來天皇殉宗社小
臣敢愛死願逐飛龍駕爵秩何崇卑泰山誰輕捨時無

子公力官因閒散罷斬此一命榮何以風來者不見將
與相纍纍復若若王李皆南都贈
官宋公不與焉

南哀

哀鄉人之死事於南者也其非鄉人而為余友
者亦以類從皆繫之以南焉乙酉夏南都陷司
農吳公博士陳公死之死於維揚者職方何公
博士周公也死於禾城者冢宰徐公也是秋松
城陷少司馬沈公中翰李公羅源章令公死之
闔門自經者尚寶徐公也聞變赴水死者考功
夏公也金山衛城陷指揮侯公父子死之死於

武昌者從祖觀察公也丙戌浙東陷死於天台
者鎮南將軍李公也丁亥松郡之變黃門陳公
死之同時死者茂才夏公張公中翰殷公武塘
職方錢公太學徐公也海船郵書之難同時死
者中翰夏公游擊翁公貢士董公茂才李公及
侯仲子也辛卯昌國之難樞輔張公吏部朱公
死之凡知名者二十有六人雖名位不齊時地
非一皆三百年來南國士大夫之光也若乃夏
氏侯氏父子兄弟赴義如歸文武道盡忠孝流
芳斯又史冊僅見之奇烈矣表而存之後之覽

者亦哀余之哀也夫

戶部主事吳公嘉眉

吳公古孝廉磊砢負奇節氣凌太華高志凜冰霜潔管
樂奚足論伊呂追絕業手挽滄溟波精貫靈霄闕公董築海
塘感有起家司徒郎上同兒寬列舊制蘇松浙人不得
神助倪文正公為尚書後惟為戶部崇禎末時命介石矢不違寒松晚彌烈黠黠
公以薦為郎蓋異數也青蓋馳紛紛入洛轍如非一本支忍見三辰滅摩挲鍾
山樹霑灑萋宏血惟存孤竹歌留與子孫訣有子克負
荷麻衣常如雪春秋亦代謝大義無銷歇遐哉延陵碑
幽光照日月公後鄉人私謚曰忠介先生子

吳公每未塵

輞川詩鈔卷二

欽天監博士陳公

于階

博士滬濱英鄉表宅相絕學通西域窮神探玄象兵
家治火攻鬱憂暴情狀班荆越王臺抗手元龍上江左
舉遺佚靈臺協微尚榮惑入南斗殿陛驚搶攘八表歎
同昏九京奮長往志士豈無徒達人知所嚮生當附青
雲死作高山仰誰謂卜祝流糞土視戒廣故相徐文定公甥也習西

學善天文通兵家言先師嘗聘之至越繕治神器後以薦授官

兵部主事何公

何公東海士耿介拔流俗沉默子雲亭感慨漸離筑憂
時學論兵上書欲痛哭悽愴古職方零落舊部曲元臣

開幕府義旅起南服水犀賈先驅蒼兕呼相屬氣動橫

陵濤威振長淮北旄頭下蕪城箕尾隕幽谷參軍本烈

士杖節志不辱結纓固酬知死綏乃殉國流涕出師表

郭費寧碌碌崇禎癸未冬公上疏募兵勦寇授官職方

赴江上史相國奏辭參其軍事死於維揚之難

江都訓導周公之進

周公家負郭潛光抱純素儒官兵戎間青氈冷如故君

子不徑竇浩然即潛路安知身後名聞道同朝暮無愧

董江都何如鄭司寇公余里人也維揚陷赴井死公與

知者散持表之亦闡幽之意云

吏部尚書徐公 石麟

家宰公輔器先朝稱遺直藻鑒秉公方蹇諤盡忠益元
禮領清流邵公念王室邦家思再造統均補衮職新亭
每揮淚啟事嘗動色借叢自有神回天恨無力遂掛神
武冠不著東山屐神州既陸沉市朝復改易遯荒非所
志仰天長太息引領謝君父黃髮垂胸臆大義感僮僕
霜飛赤日黑安得管夷吾江左在雜席 公自經於禾城二僕從死
兵部侍郎沈公 猶龍
司馬際景運兩持嶺海節忠信狹鯨波指揮掃蟻穴爵
列執金吾丹書耀天闕春回寒灰飛秋至芳華歇空乘

纍卵城竟結虞翻五國破臣何家身殞名不滅若為思

公子欲言未敢決東問滄海君海水何時竭 公在閩粵

功授執金吾乙酉守松城有謀說降命斬之遂及於難公子浩然有高節

中書舍人李公 待問

李公不世姿本是瓊嶠風規何散朗清裁特表舉敷
廷道敦素賞心同立味先機慕鴻冥違時鍛鳳羽琴斷
伯牙音遂冷山陽路爭傳內史書誰見蘭亭序 公癸未登第見時事已去意不欲仕乙酉以後加以感憤遂及於難以書法名世

羅源知縣章公 簡

章公氣不羣突兀出塵表督郵懶折腰圍城尚清嘯七

尺重丘山一劍輕談笑攜手九疑巔靈旗雲飄渺弟曠楚哀

尚寶司丞徐公念祖

故國有喬木宗臣有哲孫廈傾木難支國亡身焉存寧
遂溝壑志敢忘冠履恩從容赴大義凌虛上九閭妻孥
為先驅與臺從後塵折取若木華排雲開重昏琅琅絕
命辭光生宰相門文貞公會孫也城陷手書遺訓累百
言視妻及三女先死乃自經僕從死
者三人

吏部主事夏公允彝

嗚呼考功師大節垂星辰吳越直靈區應期斯降神瑾

瑜每在握蘭苴懷獨芬長沙達國體江都策天人山水
鮮失德風雨嘗傾身月旦綜九流膏雨沛七閩龍去軒
轅臺縞素號蒼旻舊京蒐民望東國擅人倫爰發微管
歎言陳誓墓文湯湯笠澤水鬱鬱崑山雲山川非我土
日月無重輪左手招彭咸右手攜靈均高名在九淵信
史繼獲麟心為死友道義感同氣親嗚呼考功師大節
垂星辰師在閩有惠政南都徵考功郎辭不起聞松城
破赴水死臨歿作幸存錄三友傳謂吳司農嘉
靖徐家宰石魁廖城侯納言
金山衛指揮侯公承祖伯子世祿仲子美漢
君侯世將家旄仗神祖武沉幾本韜鈴制勝在樽俎伯

子文武才志氣凌今古感會望風雲膽勇當熊虎孤壘
 鎮海濡義聲乃先路手刃除間諜血戰漂干櫓斷臂無
 絕聲裂眦有餘怒熒熒悲仲子石子岡頭土無復羽林
 兒空指將軍樹卜公尚世顯侯門終衰祚何代無英雄
 成敗何足數公守衛城有謀說降伯子手斬之城陷力
 亥海舶書郵之難高坐
 寺僧收葬之侯氏遂絕

江西按察司副使從祖城

從祖含香彥風徽暎江左躡屐麻姑壇塵飛滄海路名
 節重家聲板蕩兼天步江漢有高丘國殤動吳楚從祖
 部郎擢觀察知建昌郡事乙酉秋城陷被執至武昌不
 屈死同時遇害者布政崑山夏公萬亭副使王公養正

建昌推官劉公允浩等六人武昌人
 收葬之於沌砦河題曰六君子之墓

鎮南將軍李公

將軍始詰戎閩越播國屯先機避長鯨銜命出紫宸整
 旅下東甌義聲翕然臻遂建赤城標爰授黃鉞新甲楯
 無安棲枕戈志未申毅魄上瓊臺顯氣凌秋旻吁嗟山
 河誓零落苗裔存重光乃祖烈無忝奕葉孫炳炳侯與
 李東海表世臣公起家世胄乙酉授閩帥見鄭氏有異
 南將軍鎮天台兩城陷死之我
 鄉世胄殉節者惟侯氏與公而已

兵科給事陳公

嗚呼黃門師野哭未終名高物所忌道大身莫容天

地發殺機賢智先途窮朝聞杜宇啼夕見胥臺空罔兩
跳白日虎兕呼悲風草土天罔極瀛洲道靡從畢羅下
衰鳳涸澤悔亢龍伊昔湖海士宛在馮夷宮沉沉照碧
水瀟瀟落青楓鬼火欲明滅殘月時空濛刺船斷葦間
匿影荒棘中緇衣淚雨濕桐棺血殷紅自傷負信陵何
敢望樂公先師黃文明座師黃石齋先生死友夏考功相將上
紫虛吐氣貫白虹我行皇甫林先師葬處長歌平陵東嗚呼
黃門師野哭未終丁亥夏松郡有吳帥之變當事乘
孝廉廷樞輩我郡則師也師被執赴水
死余收師屍詳續年譜中野哭詩見後
茂才夏公之旭

夏公七尺軀老驥志千里風雨急良朋然諾恒自喜開
閤意豁如祗園亦幻世終升尼父堂無愧令原弟考功

棄家出世遇黃門
難自經於文廟
茂才張公寬

張子天下士鬚髯如戟張深沉多大計英爽神飛揚投
分礪金石蘊義生風霜蹈海有孤憤揮戈無重光歲序
嗟龍蛇野血哀元黃臧洪願同日孔融肯獨亡神理何
茶酷天道抑蒼茫吾有同心言平生矢不忘時無黃石
公安得張子房黃門內弟也時株及

其兄弟獨遇害
中書舍人殷公之輅
朝川詩鈔卷二

殷生避金馬梓澤足嘯歌思齊李杜名漫論王霸圖婆
娑歎枯樹溝壑及餘波亦為殷遺民追蹤首陽阿

兵部主事武塘錢公

梅

錢公生鼎貴凝神發機警祕略握陰符玄鑒澄水鏡借
我五湖遊松菊開三徑勝流追鹿門清言聞樂令焚林
鮮餘柯鋤蘭非不幸冥冥望飛鴻寥天何滅影樽夏子
時被難子進士默棄
家為僧不知所終

太學武塘徐公

爾毅

徐君雅好我傾蓋同故舊素冠何樂樂發言淚霑袖伏
臘太古禮緇素方外友風雨顧我廬臨歧三握手贈以

仁者言報之無瓊玖雨散不終朝霜飛嗟何驟宿草負

故人一劍空自守

冢宰徐公無子以君同姓幼撫為子

黃門之難自五君外尚有嚶城侯君雍瞻鹿城顧君
夫名禾城夏君寶沐輩余未定交不詳本末故闕焉

中書舍人夏公

完醇

夏子瞻世才玉立神奕奕黃童稱無雙揚烏受玄默枚
馬通乘長蒲雲供驅策天懷秉貞亮撫時重憤激思請
綈遊本是悲秋客如蘭縮同心攜手吟永夕沉鬱賦江
關猶龍三歎息日出扶桑東奮飛無羽翼慷慨越石表
差池上林帛丹穴一鳳雛一朝墮繒弋長嘯擲南冠流

血灑翰墨兵解將無同神兮遊八極一門青簡光千載
夏侯色考功子也余遊武塘君作大哀賦先師歎賞之
丁亥赴南都有南冠草遇害時猶賦詩不輟時
七年寸

遊擊翁公英

將軍偉丈夫剛毅本天性猛氣獨射虎勇力能扛鼎漢
主始臨軒首應非熊命霸陵遺故將雲臺慕大耿平陸
起龍蛇瀛洲凌倒景雙鯉書莫憑九鳥天未定愧君讓
宅意孫周竟誰並崇禎辛未始親策武進士釋公居第
一蓋異數也丙丁之際余家嘗寓居
別

處士董公吳申

舞勺登公堂玉山映秋月壯歲招公魂丹旌飛碧血孤
鸞清夜啼弱蘿喬木折不及強艾年已作生死別賦詩
重哭公西風吹短髮先姑適
公先天

茂才李公之櫛

李公衣縫掖慕義輕結客浪言天漢槎那得支機石君
死名不虛隴西皆生色兄弟雙南金夫婦完白璧中翰
弟也婦袁氏問難自經丁亥海船書郵之禍自吳郡二
妄男子始我郡與斯難者自四君及侯仲子而外尚有
袁君國杞張君謝石俱未謀面又聞
有徐薰等數人不詳名氏故關焉

大學士兵部尚書張公肯堂

張公將相姿吐納風雲氣檠戟下三山旌麾空萬里紫

蓋偃東南代來定大計中書政本尊九伐專征寄龍戰
疑魚服雉化看蜃市賣國彼何心謀社抑天意塵飛釣
龍臺鵬怒天南徙報韓先破家出師終盡瘁殉國違恤
後藐孤濱九死咄哉嬰杵儔乃在浮屠氏矯矯社稷臣
烈烈豪傑士至今東海島尚誦田橫義崇禎末公撫閩
乙酉後官至樞
輔閩亡至舟山遇難自經閩門殉難十七人義
僕無凡為僧收葬公於普陀山奉其孤孫還里

吏部主事朱公永佑

朱公尚清通東山寄高寂言避元規塵遠作滄洲客睇
髮向陽阿濯纓臨潮汐浩然御天風盈盈邈難卽公請
假里
居乙酉渡海至舟
山後遇難自經

楚哀

哀章華亭

也功名始終於楚

章子少不羈孤詣空邦彥傳經自鄭鄉僻嗜同左傳君與

萊陽左司馬懋第同出從祖太僕公之門剖符出荆楚英聲震漢河妖氛流

南服兵火連江甸揮涕拜師命投軀赴國難癸未楚師
潰君辭歸

見從祖時祖已疾革勉以崎嶇戎馬場指顧旌旗變單

大義君泣拜受命而去騎謹開壁羣雄喜革面出蜀武侯師復楚包胥願桓文

狎重盟劉祖結深眷定興何聞雞先起舞枕戈共待旦

三湘無安流九疑皆危巘轉鬪輕摧鋒出奇握勝算流

離瀕九死綸羽神靡亂方略授後賢盡瘁空遺憾旻天

悲凜秋白露申嚴霰君生卒皆縞素動三軍苴茅分赤

縣卒後野哭傷邦國大鳥鳴哀怨何公臨君喪天柱既

已傾地維安能奠我登祝融峯招君君不見文共濟日

粵哀哀也客死潮陽

徐公恢大度鬱然起名世網羅百家言紛綸五經筍高

談王霸略感歎興亡異世本相韓家心懷帝秦恥五湖

失扁舟空山斷客趾徒跣奔行在舉朝爭驚喜朝聞臨

軒命夕拜金門裏翹首望朝陽轉盼返濛汜無諸風旣

衰有窮凶益肆屬車蒙清塵文武頓墜地茫茫大九州

藝 太瀛環所止御風列子行乘桴尼父至野鷗狎忘機長

鯨亦弭耳跡歷沃焦外道通日月際絕域被聲教遐荒

慕高義禮失且求野天喪無後起雖同幼安默猶存精

衛志嶺表逢故人重說先朝事仰天呼高皇號咷忽長

逝精神貫白日妻子輕脫屣尚有平生言同心吳季子

金散原陵交信重嬰杵誼繪弋將安施羽毛悲摧敝夜

從下邳游老向膠西死嗚呼徐君墓掛劍今已矣公與

吳君祖錫同志歿後數年吳客死膠西委露滴新柯枝酒酣命筆

藝海珠塵

南匯 吳 省蘭 泉之輯

南匯 周 鈺 庚酉校

輞川詩鈔卷三

王 雲篁

七言古詩

秋日贈徐惠朗

南州高士才不羈清姿露滴新桐枝酒酣命筆雲氣垂
紅顏密坐矜相知仰視明河光參差飄飄桂樹來涼颼
何時與我山中期山中無人虎豹疑九秋迢迢我心悲

懷張子服遊越

青驄玉勒紫髯客馬首遲遲錢塘陌錢塘八月水正高
浪花如雪連天白扁舟一夜凌風去片帆遙指山陰路
一派明湖入鏡中采采芙蓉日已暮知君弔古懷雄圖
禹王陵廟越王都閨中少婦頻寄問但問苧蘿今有無

烏棲曲

黃昏漠漠黃雲迷烏來欲棲不得棲十二樓臺鎖煙霧
烏來棲向誰家樹此時客子心惻惻起看落月霜華積
一聲清角烏頭白

送劉臣向歸皖桐兼訊方直之陳默公

金章湖上秋風苦送客行觴淚如雨臨歧且繫青雀舟
更唱劉生新樂府劉生少年俠者徒腰間寶劍玉韞轡
三十無家走吳越今年遊地來東湖湖光泠泠秋月落
碧熒熒霜對薄欲上河梁慘不言子今揮手將安託
自過雞鳴埭言歸龍眠山山鬼多竊窹客子無容顏孟
公執戟今何似方子新亭亦間關太息故人離別盡牆
東避世何時還
對雪放歌
江南二月雪花白天山五月雪千尺雲州城外北風急
宛馬明駝蝟毛立黃金犀毘凍不開白題將軍去不回

雪花吹暗李陵臺黃金車東不開白銀車去不回
憶舊遊贈桐山孫振公兄弟

聖安之末風塵始黃旗黯淡慧芒紫景陽宮中烏亂啼
鬪廬城頭角聲起與子避地金章湖長歌痛哭無時無
蒹葭蒼蒼菡萏發得酒且喚高陽徒徐生傲傲醉起舞
手飲劉生不知數陳生銜杯獨顧影碧鬚歷落露華冷
徐惠朗陳子威劉臣向也君家嚴君方召儔對此亦為銷百憂酒酣
攜我登高樓吳姬斫鱸金盤滿小史傳觴玉樹秋九秋
八月月如練蘆笳聲築隨風亂月下看君引畫槎淚灑
河梁羽聲變華頂紅霞日正明桐栢真人吹鳳笙玉龍

一飛石梁絕山鬼含睇何崢嶸君既攜家辭赤城予亦
歸尊白社盟阜帽芒屨人不識黃鵠蒼茫竟何益鄰鄰
谷水野火青騎夔畫見妖狐立祇道雲封劉阮家那知
草沒機雲宅君不見子房昔日游下邳踏蹙秦項無人
知又不見君家伯符東渡時周郎少小同襟期况君兄
弟皆好奇讀書任俠今若為窮途莫發廣武歎指困豈
少臨淮兒三載飄飄隔江海故人寂寞鬚眉在把袂殷
勤惜舊遊雨散風流不相待與君但飲勿復陳黃鳥春
風愁殺人

東田歌贈宋秋士待詔

東郊十里春雲碧東田半頃梅花白雲深花落人不知
到來知是陶潛宅中有人兮永今夕一代風流四海客
客子常披鶴氅裘主人獨岸華陽幘自言避世歸東田
痛飲狂歌不記年白墮輒傾鸕鷀杓紅牙自按鷓鴣絃
有時夜奏秋風篇周郎四顧心茫然颯如三峽叫杜鵑
靈旗颯忽來風前宋子近作西北詞嗚呼我朝稱逸史
前有衡山後秋士冥鴻懶曳王門裾歲星遠照滄江水
我來東田歲月多三年春色空蹉跎欲向君家尋九辨
一曲清歌可奈何

鬱儀童子歌

九鳥翔空矯雙翼太霄黓黓天風黑吹起瀛洲千丈塵
瑤臺半落虞淵塞帝遣童子下扶桑手折若木照八荒
織女贈之青霞裳一聲清嘯飛玄霜我欲謁帝帝不醒
道逢女子摩其頂愁來獨枕魯陽戈倦後同支夸父鼎
童子童子且向咸池浴日影回首蓬萊東復東一片琉璃
光萬頃

楚州酒人歌為陳階六使君賦

三年不見陳驚座有酒不飲惟高卧高陽酒徒半寒烟
江南江北愁無數今年遇君在武丘舉觴未飲先欲愁
真娘墓上露初白小令祠前月半鈎為憶楚州全盛日

美酒如淮世無匹東平開府旌旗紅漠北傳烽風雨疾
欲歸不歸且徜徉遂呼我土作醉鄉卜居欲近機雲宅
中聖常追嵇阮狂是時龍眠孫司馬與君攜手長林下
海立塵飛尚不知猶倒接離傾玉笋依牆蹈海空復情
送君還向楚州城故園松菊渾無恙始信淮南不被兵
暇日扁舟過江浦往來吳越成今古黃公酒壚何處尋
曠有吳姬能楚舞爲君楚舞還楚歌綠鬟微睇紅顏醜
安石風流恐不免子野深情可奈何不如拂袖賦歸去
黃河莽莽方東注攜酒須醉劉伶臺下邳橋畔天欲曙
西陵陸麗京過訪賦贈并追憶令弟鯤庭大行麗

京索予所藏先師遺筆託爲採藥之行

昔與君別者乃在石頭城城頭烏啼日欲暮新亭握手
惟吞聲參辰儵忽垂十年應徐陳劉皆雲烟君家大行
先化碧我師毅魄歸深淵谷水陰沈杳空谷西陵松柏
鬼夜哭愛君不問維下名偏入深山採黃獨竭來扶路
到西州阜帽朱顏青雀舟男兒須識孔文舉女子猶知
韓伯休高堂置酒春花落擊鉢詩成恣諧謔秦州流落
何足陳詩狂酒態還如昨何以贈君一素書十年懷袖
長歎歔莫向江頭獨吟諷一夜驚濤怒子胥

魏里蔣篆鴻過訪將蒐輯先師遺文賦贈

我遊魏里幾歲月詞人豪士誇門閥君家玉樹何亭亭
一日詩名滿吳越野燒連天冰雪深陳蔡之間獨鼓琴
寂莫無人拜函丈晚得我子稱知音汨羅茫茫春草綠
何處山邱是華屋殷勤百里問元經痛哭長歌苦不足
君不見孟嘗客散秋風急當年桃李成荆棘景差宋玉
何人哉湘蘭澧芷皆生色君歸爲我開三徑剡溪此夜
堪乘興作詩須學三百篇坐無尼父誰能定

瀨上篇

昔日伍大夫乞食過楚關道逢瀨上女一飯沈朱顏水
犀三千覆楚還大讐已報恩如山鷓夷投江江濤怒至

今瀨水悲潺湲我來渡水增歎息路旁淒涼故相宅當
年漢帝徵賢良金門首獻天人策奉詔常校東觀書殊
恩兼攝黃門籍至尊揮涕御平臺論兵夜半猶前席一
朝國事誤黃巾鼎湖龍去哭風塵勸進不煩新佐命啟
事仍看舊侍臣得當少卿思報漢敗來蛾賊竟奔秦銅
駝陌上口口別朱雀桁前氣象新此日南朝初擁立此
日新亭堪飲泣歸國誰憐庾信哀鉤黨方求張儉急亡
命交游孫趙稀望門兄弟褒融執丈夫一身將安之搖
搖萬里嗟何及吳山楚水何縣連狐嘯鬼嘯黃河邊江
左未傳建武號北地新編居攝年鬚如蝟毛鬢半禿故

人握手情依然使相歸來臨魏博侍臣重去到幽燕燕
京風景今朝變親王自御明光殿有旨傳呼上殿來滿
朝爭識南人面紫貂手解稱身裁杏酪親調催賜宴昨
歲間關去國人今日迴翔少陽院三臺旬日貳孤卿王
師已報江南平聞道妻孥尚無恙不堪回首痛分羹上
書請急辭悽惻詔給鋒車許獨行先朝黨籍銷金匱故
國風煙暗石城石頭城下江流絕瀨水無人更嗚咽華
表重驚遼鶴飛墨衰盡點孤兒血已嗟松柏付平陵無
奈江湖懸魏闕當門誰令種芳蘭留賓空自談風月攝
皇七載握太阿入則造膝出鳴珂謬擬新豐樂事少晚

出宮車遺恨多廟中尚議追崇禮地下先操同室戈外
廷那識深宮事南人塌翼北人歌官家冲齡矜睿智温
室綢繆恩不異入筦綸扉侍御書出典文昌掄大吏侯
王把臂半交歡豐沛羣雄皆執轡龍門競望李膺塵牛
衣獨灑王堂淚君家兒郎亦太奇少年任誕靡不爲論
文濁世佳公子走馬長干輕薄兒程李一錢曾不值屈
宋衙官更有誰門生爭頌山公度狎客旋吟韋氏詩自
謂千秋垂帶礪那知轉盼多崇替姬旦勲勞野草荒盧
縮親臣請室繫數卷圖書一輛車宰相承恩歸賜第朝
內猶頒令尹祿門前已失翟公勢官家聖度如天崇嘗

藝海珠屋
稱裴令本清通有詔統均還會府有日傳宣入禁中市
交悔結蕭朱綬蜚語能飄蘇暴風勢成騎虎終難下時
無狡免莫論功可憐都市橫尸日十載君恩一旦失田
宅曾無半頃餘縣官符下誅求密既遣狂兒成樂浪復
見寡妻輸織室雛家噉啗尚未消故舊咨嗟自此畢土
牆三尺畫掩屏風吹簌簌雨霏霏殘卷半鈐故相印易
粟聊充并日饑誰其叩門鄰家子昨日新從遼左歸寄
得兒郎書片紙阿母開緘淚滿衣門前八騶呵殿者揚
鞭不下青驄馬昔日公卿盡掃門今朝賓客成飄瓦高
堂有夢到元菟旅殯無魂歸白下自是蠅營怨毒多非

關烏喙君恩寡古來恩怨幾時平覆楚復楚皆成名鼂
公死後亡袁盎田相生前見竇嬰君不見天壽山前飛
鬼火蔣陵枯樹起秋聲世人漫說投金瀨滄海茫茫塵
亦生

五日集陸令遠少參齋

陸公昔日開五嶺手揮羽扇炎荒靖銅柱高標瘴海旁
瑯戈直拂扶桑影解節歸來萬里輕初衣不改話平生
催人澤畔栽葑豆攜客灘前聽鶴鳴酒酣脫帽舞鸚鵡
東山有女顏如玉雷雨忽來風滿堂前溪初漲新蒲綠
如公雅度一世無嶽崎歷落真我徒何年復遇田公子

有酒須酬屈大夫

贈張子建觀察

我生不得志落魄好酒狂一身仗劍出門去十載遊越
 復游梁黑貂已敝蒯緱斷翻然歸卧滄海旁頗輕小兒
 楊德祖尚識下邳張子房張公一見笑莫逆三世交情
 四海客夜半曾探黃石書懷裏猶藏繞朝策三齊綰綬
 最知名於時龍戰初紛爭單騎遂降百萬眾孤壘能存
 七十城竭來南服分旄仗越水吳山屹相向詩句先題
 八詠樓風流自署五湖長知公愛客客如歸起舞屬公
 公莫違三千幸舍皆珠履上坐夷門一布衣只今拂袖

歸私第放鶴灘前雲日麗林壑如披梓澤圖車服新傳

康樂製當年擁篲傾侯王銜恩部曲盡騰驤滿篋龍韜

閒不用且將奇字付兒郎我祖百年悲宿草管子已逝

薛公老戊寅先祖在都下同遊者公與管待庵薛更生二先生也官冷偏能憶鄭虔

門衰幸不孤嵇紹見公慷慨淚沾襟賤子惟餘一片心

不見世人爭欲殺此義悠悠空古今

丙辰元日得武陵楊長蒼汝南書却寄

丙辰春正月元日陰雲黯黯風蕭瑟窮巷聞無長者車

負病却掃維摩室何來叩戶心踟躕問之云有汝南書

一觀封題便驚喜呼兒急為烹雙魚開緘果是武陵叟

迴環再讀不去手上言音塵遠道艱下言避地今何有
令我失喜翻成悲歛歛覆却杯中酒君家奕葉居三公
少傅太傅稱人雄不周山崩天柱折再致大鳥非人窮
君乃灑血號蒼穹抱書闕下裘蒙茸九關虎豹誰爲通
周南留滯不足論噲等爲伍將無同場來兵甲紛吳楚
百六之運皆險阻烽烟遙隔洞庭波故園桃花渺何許
魯連玉貌在圍城繞朝有策當誰與間關千里問王生
知君伊鬱無可語余也感君言再咏江漢章余到荆南
君向宛愛而不見徒傍徨臘月從軍赴岳陽三月巷廬
無日光愴夫朝諝暮且溺男子君嗣凍欲僵幡然掛帆

五湖去足跛目瞿偃在牀門外不知歲序改書來始覺
春晝長憶君悲歌游燕市殷勤寓書累數紙就中一日
書最奇風雨衡山方廣寺當時賦詩記勝遊至今猶作
楚然喜况復新年尺素傳重把椒觴疾良已留付他年
陶隱居君卽楊君我許史吁嗟乎結交何必曾謀面有
心萬里長相見我不學仲宣樓勸人納款取封侯君不
學太尉彪晚向當塗辭鹿裘君擬卜居問江海海水羣
飛已三載南陽山中有故廬崔徐石孟今安在寄書北
向盼停雲珍重名山太史文莫歎年來髀生肉天下英
雄惟使君

吁嗟行酬陳默公

與君生年同甲子別來歲月將三紀雨散雲飛曾幾時
吁嗟少年今老矣相對一笑舌尚存篝鐙重話當年事
君也避世金馬門悲歌慷慨驚燕市掩耳惡聞蒼蠅聲
早棄華簪如脫屣窮愁何意老虞卿有時縱游慕太史
後車滿載惠施書兼金不易咸陽字莫歎闌干日照盤
有子傳經誇濟美問余作客近何如請君端視我屈指
祇爲飢驅負夙心二十年來行萬里生憎幕下謝宣明
浪稱四海習鑿齒參卿軍事空爾爲男子附之疲欲死
晚向沙場垂淚別濛濛雙眼兵戈裏歸來閉目不窺園

兀兀窮年常隱几但可呼兒讀素書那堪仰面看雲起
忽聞天外故人來振衣出戶生狂喜乍對蒼顏似夢非
聞聲驚座欣然是相歌相泣若無人欲語不語誰能擬
胸中伊鬱怒濤聲一夕連書數十紙君提其耳我拭目
貴耳賤目真知己風能憐目目憐心剖心片片還相視
我且欲焚左氏編爲君洗却巢父耳願言塞兌從茲始
曰希曰夷吾與爾

贈沈健翎

夏考功先生
甥時年八十

我有良友沈隱侯讀書學道靜者流終年阜帽披鹿裘
好事載酒從之遊當年逸氣空羣驥風標酷似何無忌

眼中閱盡六朝人晚來愛入東林寺閒對南窗菊滿叢
我亦避世歸牆東今日襄陽問耆舊惟從牀下拜龐公

七十老翁歌戲用右丞句

七十老翁何所求抱子弄孫百不憂庭前雙松千尺脩
池邊獨樹風颼颼客至攜手登高樓自言詩名徧九州
結交往往傾公侯籟滿索朽粟成邱翻然去家赴遠遊
蹇驢蹙躡走道周雨深泥滑背汗流負詩擔囊體僂僂
懷中刺滅望門投主人如帝謁如鬼三春已去夏復秋
朔風北來雪滿頭短衣裳茸披弊裘夷門有人笑不休
七十老翁何所求

皇甫林

皇甫林我師大樽先生墓也師有子孝岐幾壯
而逝孤孫望若相繼天折遺腹生男蓋大母禱
於北斗而舉曾孫焉既悲未亡人遭家不造而
幸我師之有後也戊辰春日入林展墓作歌以
告之
皇甫林乃在崑山之陽谷水陰谷水東流不復返白日
一閉夜沈沈杜宇啼血猿吟空林無人傷我心若有
人兮林之下素冠縞衣乘白馬山鬼凌風嘯後塵國殤
雲車驅前駕風迴雲變渺何之月落烏飛聲啞啞烏飛

南來又向北驚起阿母仰天哭膝下雙雙婺女星天乎
奪我兩黃鵠黃鵠悲鳴反乎覆叔帶持腰福所伏林中
抱得鳳雛歸北斗光芒射茅屋使我聞之喜欲狂向天
再拜涕滿裳幾見破巢有完卵胡然還珠得夜光玄經
寂莫今有託可憐五世無他揚令伯再頌陳情表小同
復起鄭公鄉寒食尋春春已暮重入林中展師墓甕甕
白髮淚雙垂芊芊宿草人非故一世休明徹九泉好把
懸孫自呵護他年應像祁連山今日還歌薤上露薤上
露露霑襟田橫之客誰知音聲聲唱入皇甫林皇甫林
乃在崑山之陽谷水陰

虞山行

虞仲山上柳垂絲虞仲山下唱柳枝行人折柳相視笑
借問道旁唱者誰爲言山中舊宗伯吳越瓊枝名籍籍
藝苑敦盤狎主盟江左風流先奪席漢家下詔徵賢良
公孫鼂董羣翱翔春殿臚傳榜花發吳興占得狀元郎
吳興早恨江潭放虞山獨立鳳池上禁苑驚看蛺蝶飛
清流笑逐桃花浪鳴珂委佩登玉京一點青蠅白壁輕
東國人倫疑月旦西州豪傑漫齊名世路嶮巖羊腸狹
宦海風濤起若雪世儀滿腹空精神太真行酒多鱗甲
明王有夢行旁求好將名姓覆金甌雷霆一震白麻壞

晉靡仍向巖間遊巖間高卧休惆悵且在山中作宰相
絲竹亭臺別樣新虞山頓負東山望閒來畫舫五湖濱
烟月風花是主人長把青樽傾北海自開東閣傲平津
門前忽有停車客羣玉山頭未曾識安仁擲果何處來
叔寶神清欣入室室中幻出天女花粲然一笑摩登伽
天花不落柳花落飛來飛去到君家君家紅樓轟天起
畫棟珠簾高莫比安妃攜得絳雲歸紫微喜唱齊牢禮
樓上眉嫵雲欲浮樓下新歌雲不流夜珠遠自鮫宮至
鴻寶先從蛤枕收朝朝暮暮歡未了溫柔鄉裏真堪老
仙舟惟見望塵多龍門共幸登堂早夢斷春明十七年

靈光此日尚巋然吳興狀元歸宿草吳興宰相隨寒烟
軒轅臺崩天柱折金陵王氣半明滅未及江干奉代來
已見秩宗躋九列舜華有女賦同車正是河東舊校書
桃葉渡頭來迎汝莫愁湖上欲愁予烏啼啞啞白門柳
博山香煖長攜手蜃市樓臺曾幾時青溪小姑復何有
一朝鐵騎橫江來熒惑入斗天門開羣公蒲伏迎狼麤
元臣拜舞下鸞臺掛冠戴笠薰風裏耳後生風色先喜
牛渚方蒙青蓋塵更向龍潭釣龍子名王前席拂朱纓
左拍宗伯右忻城平吳利得逢雙僑報漢何曾有少卿
靡靡北道歲云暮朔風吹出蚩尤霧趨朝且脫尚書履

洛中那得司空坐回首先朝一夢中黃扉久閉沙堤空
終朝襪帶嗟何及掛颿歸去及秋風風景不殊紅顏在
重吟白頭雙鬢改南國當年國已傾佳人今日人難再
再到山中問草堂猿悲鶴怨生淒涼麻姑有爪堪爬背
碧海無塵誰種桑虞山復舉東山燕巢由稷契重相見
拂水岩前聞洗耳芙蓉莊上分嬌面晚年攜杖照青藜
梵夾詩籤次第齊校讐偏紀詞臣字形管纖纖手自題
路旁女子歛相遇云往東海靡家去兩師風伯動地來
絳雲縹緲歸何處吁嗟盛名古難成子魚佐命褚淵生
生前莫飲烏程酒死來休見石頭城死生恩怨同蕉鹿

空向興亡恨失足詩卷終當覆酒甌山邱何用嗟華屋
可憐薄命度殘春終隨飛絮委芳塵山上雖無望夫石
谷中還有墜樓人泉路悠悠朝露重宗伯前行少婦送
他日應題燕子樓從今醒却巫山夢君不見東臯草堂
千載悲嶺頭碧血啼子規年年柳枝怨離別惟有虞山
似舊時錢宗伯謙益先與韓敬爭狀元尊罷官後與溫
體仁爭校下溫評其典試事錢亦罷官韓溫皆
吳興人也錢在東林中有浪子之目林居久之頗負時
望與同邑瞿公式相齊名甲申南都定策東林諸公意
在潞藩不果乙酉之變首倡迎降者錢與忻城伯趙之
龍也時潞藩在武林錢復遺書誘之降焉瞿公殉節粵
西世皆稱之東臯草堂瞿公別業也餘見柳枝詞絕句下
相馬歌贈練川徐山人

練川詩鈔卷三
五

相馬失之瘦相士失之貧貧士亦復有馬癖古今同好
有幾人我家武子稱絕倫後來支遁得其真君也愛山
若支遁看盡名山買不盡看山亦用相馬法略其元黃
取神駿與我相遇谷水西為君惜此錦障泥逝將買山
同歸隱囊無一錢空栖栖下士聞之皆大笑君不見舉
世悠悠是和嶠

藝海珠塵

南匯 吳 省蘭 泉之輯

婁縣 張 允垂 升吉校

輞川詩鈔卷四

王 雲翥

五言律詩

婁東張天如師輓詩

太息龍蛇歲歲在辛巳空傷麟鳳羣儒林存七略黨錮失三

君梁木當年恨牙絃隔代聞憐才本聖意應訪茂陵文

時有詔徵遺書

藝海珠塵

輞川詩鈔卷四

平子官終滯林宗鑒已遙失時悲白露真氣上丹霄寂
寞無天道淒涼有大招更嗟鸞閣裏猶是望還朝

寄桐山周農父

躍馬何年事詞人老擅場鄴中推阮瑀魯殿得靈光醇
酒容人醉名山好白藏同時無漢武誰為賦縱陽

我鄉陳夫子醉後說係周同學今誰貴齊年爾尚留霸

圖歸蔓草藝苑屬陽秋揮塵乾坤外難忘是舊遊大樽先師

嘗稱農父及孫克咸二人先師與農父同歲生

中秋有懷周靖公憶去年此夕飲靖公齋中時元
亮公被讒在閩予為賦詩有春令之感今年公

又自閩追赴京予既別公久并不得靖公白下
消息再用前韻

有酒安能飲故人空復情爾應愁北寺我豈惜西行急
難惟兄弟長貧愧友生遙知今夜月先照石頭城

中秋後一日聞周公甫過吳中并聞靖公偕行不
及追晤三用前韻

八月乘槎客三年吳市情夢中嘗失路醉後獨吞聲雁
影當秋急龍光入夜明深慙東郡士伏闕許同行時閩人為

公伏闕訟免

人日得周公泗上書書是去年九日寄

忽遇雲間雁傳來泗上書重陽誰酒伴人日獨愁子風

兩官程迫園林客夢虛是夕夢過公燕山依舊在揮涕

望征車時子將北行

哭女

年老偏憐女春間偶得句也無端忽自悽那知一語識

添得數行啼謝絮隨風散齊紈落月低翛然蓮士淨頰

首竟歸西女示微疾以去

盈盈衣帶水一歲一歸寧病榻閒宵語登舟每淚零每女

母疾霜華凝暑露蕙草落空庭從此茹蘆室余內呻吟

不忍聽

尚憶韶華景堂中設悅辰生猶見大母女生五月經授

自嚴親幼時先君襁褓懷諸弟晨昏戀二人半生顛頓

盡辜負此芳春

中歲逢離亂先為兒女憂菰蘆終夜雨烽火一漁舟慰

母常含笑憐予欲抱頭每懷腸已斷不是凜悲秋

之子于歸日余歸自枯州安知卒歲計誰為結褵謀祝

爾直家好添人作客愁當年牽犬去涕淚未曾收

弱息持門戶辛勤自擗茶微風吹少女清漢隔黃姑藥

裏先時謝香奩永夜孤傷心未瞑目拊翼失將雛

逝者如斯畢惟憐爾外孫強顏看笑靨背面拭啼痕無

復門楣望空言宅相存老妻愁病劇輾轉失朝昏
我為饑驅苦終年逐轉蓬書來兒齒長歸去客囊空淚
濕機中錦寒生林下風悠悠長夜裏誰復念衰翁
哭爾知無益其如觸緒悲藁砧聲斷續箴管佩參差未
傲官奴帖空懸孝女碑情鍾還我輩清夢自遲遲
殘年衰疾至雙淚落模糊強欲倚闔去何由倩汝扶盈
盈虛望眼脈脈是歸途翻羨機鋒捷徘徊日影孤去時日可中

哭董視烈

董生我舊友衡宇對清渠地僻無車轍家貧有賜書據

梧南郭冷歧腳北窗虛莫識逃名意無名樂有餘
尚書門閥貴早歲謝浮雲朋好借禽尚交情在紀羣亦有
林石曲高宜寡和身隱又焉文南浦傷心地天寒一送
君

哭孫孝子放質

去矣君何恨更生四十年刀痕留碧血淚雨濕重泉日
落要離墓風高震澤船門人懷古誼幾廢蓼莪篇
惜別冬將暮栖栖問所之鴉衣不勝體雞骨已難支宿
草啼山鬼空林泣子規忠魂猶彷彿常自傍靈旗尊人太僕

公葬於

元墓

朝川詩鈔卷四

四

庚申早春酬澹歸上人

曹溪曾問渡失路悵迢迢聞說丹厓勝空慙白社招梅
殘庾嶺雪風送海門潮問疾吾何敢清言寄寂寥
有山何必住大地總微塵長壽劫中事華胥夢後身但
當書甲子不用守庚申漫擬隨瓢笠迷情負故人

上元前一日家叔八十生日招同歲兩吳君小集

我家耆舊傳仲父齒偏饒取友惟三老編年已六朝清
琴時獨抱濁酒喜相邀共說昇平樂銀花月下飄
懶赴竹林會生來祇愛閒看花宜白髮把酒憶紅顏老
易何須讀樂由不買山少年朋好在扶杖共追攀

喜陳望若過訪知寄

十年今再見非角已成人失喜看完卯含悲說負薪家
聲應未墜手澤尚如新授以所藏先師遺書好誦陳情表晨昏慰
老親

昔我升堂日今君舞象年春風虛馬帳秋水泣湘川袁
氏一孫懸揚經五世傳願為昌後頌惟有聿脩篇

哭子威

孟公堂上客驚座喜相同舞勺余方少懷鉛爾獨工汪
汪推雅量粲粲擅談功五十年來事浮雲過眼中壬申
十四始識君於大樽先師座上師晚年自稱於陵孟公

十年次第長兄事莫如君窮巷多車轍高樓對夕曛燕

城明遠賦上已永和文總是傷心語淒其不忍聞聞公先生

長於君十年君長余亦如之君舊字永和諸名士每以蘭亭相目城中故居今燬於兵矣

建安才不易我友得徐陳日暮烏衣巷風飄折角巾論

文雙白璧把酒共青春此日風流歇何人繼後塵聞公常以

子威惠朗並稱

最是難忘處南村避地時蘆花秋雨亂漁火夕烽疑兒

女通啼笑哀親各抱持驚魂猶未定回首淚雙垂憶乙酉避

地時事

于思驚早白漢皓亦依稀豈為吟詩瘦翻疑戰勝肥虎

頭神欲似龍尾願終違留向名山裏天空落少微昔李中翰

存我戲題君像云我黨數子之陳俱翳卧子豐碩子威微癯君晚年嬰疾稍肥雲壑山人寫像偉南題為四皓之一余有

邨管之擬

老至耽禪悅同心種白蓮過溪常失笑扶杖每相憐孰

問維摩疾俄歸兜率天西來知有意隻履為君傳年來結蓮

社於超果西來堂君頃疾子未及知也臨化旅山上人贈履

山僧來問訊倉卒報云亡七曰示微疾三生返故鄉失

聲驚却坐頓足淚沾裳思憶前時別桑榆下夕陽自牧上人

過訪聞訃

往歲悲元歎今年失孔璋寢門皆我友哭野為人亡惟

見晨星落誰言夏日長虎賁今未得空復憶中郎丙辰

女年七十三今夏子威卒年七十五

久客盼鄉書開緘慰起居野蔬供善飯緩步勝安車婚

嫁欣初畢田園興有餘相期娛晚歲此願竟全虛余作客十

七載君每寄書

沙場歸去後老瞽倍情深終日柴門閉楚然空谷音聞

聲先倒屣拭目對披襟形影俄相失蒼茫何處尋余楚歸後

有目疾君七十時余作詩有影贈形之句

城南天尺五舊友締新婚入室忘賓主宜家祝子孫有

飴憐弱息無盜過衡門親戚多情話追思幾斷魂君長嗣潛

用與長兒俱故友杜子徠西婿也君多女孫余乃偕之常以相戲

欲談天寶事須問白頭翁從此靈光盡還如清夢空傳

經藏古壁舉策有遺風莫笑卿慙長卿兒乃是公并慰潛用

聞臯為舉子祝

甲子秋日贈吳門周子佩

大隱在吳市蕭然舊草堂清裁傳孟博禮法敬元方坐

久常穿榻客來獨拜牀典型今有幾猶得見靈光

時序春秋異重書甲子年尚存黨綱傳幾廢蓼莪篇風

月談遺事雲雷問後天欲從臯廡下避世愧高賢天啟甲子

後當禍方烈尊人忠介公蒙難

五每朱筆

朝川詩鈔卷四

七

子威後舉孫慰而有迹并懷潛用游越聞皇遊聞
傷逝俄經歲愁來輒憶君恩親同陟帖懷友獨停雲傳
視當年志藏書有舊聞自矜詩句好公望在陳羣余輓詩未

春日村居

再由年華去遲遲春日來倦遊宜閉戶冥起怯登臺雨
至催鳩婦風輕出雉媒微茫三徑在誰為破蒼苔
今年春信晚三月落紅梅宿霧凝香重餘寒逐夜來吟
成常掩卷興盡獨銜杯尚有羅浮夢南枝竟不開
積雨忘朝暮空庭點落花風聲欲破壁雲氣上浮槎引

水山崗近穿林石徑斜新晴行有日田父莫咨嗟
小築違塵市西疇舊草堂誰言林未密惟愛日初長宿
雨低江柳晴雲上海棠晚來餘興在秉燭繞迴廊

寒食

春露侵衣袂今朝土冢來曾元惟我長杖履信年衰有
恨留抔土何心問劫灰漫誇三戟盛幾得照泉臺
松柏風難盡龍蛇火又新九京青草夢雙淚白頭人舍
向鍾田問文從義誓陳兒孫述祖德長此惜芳辰
會葬貞定先生吳孝廉含文

耆舊晨星落靈光君獨尊何期披宿草今日到南村空

谷人來少生芻我道存曾元三十輩濟濟立松門

泗鼎沈淪後孤舟風雨時死生同日暮忠孝格神祇抱

恨天何極埋憂地不知素車還躑躅大鳥去遲遲乙酉

忠介公殉節金陵先生扶柩渡江中夜風雨大作鄰舟皆溺先生舟漂泊孤洲若有神助焉

宿負蒼生志維桑借箸籌周餘安鴈澤海若靜鯨流飛

鳥歸何暮霑衣涕未收桐鄉遺祀在蘋藻共春秋先生

忠介公董築捍海塘後為婁邑李令建議行均編良法有大功德於民晚年倡義歸李令之喪今鄉人奉先生與令並祀焉

先生未謝世已作古人看詩酒陶元亮春秋管幼安八年

二十有憂時華髮早哭野淚痕乾莫掛延陵劍龍光射斗

寒

晚託忘年契呼兒負杖從隆中追司馬柱下拜猶龍禮

失今求野文亡世莫宗惟餘故國淚霑灑向青松鄉人舉私

諡之禮吳子曰千爲之議

戊辰元日時年七十

青陽開麗景荒徑引條風不覺衰顏改惟知令序同冠

裳瞻祖考梨棗讓兒童聞有蠲租詔先疇祝屢豐詔蠲租

便是傳家日羞稱杖國年五辛花未頌貳膳韭居先有

酒時當醉無車不用懸羲皇驚宿夢鳳歷已茫然前戊辰爲

崇禎改元

中秋喜從弟自九華山歸

分飛二十載瓢笠尚空懸出岫雲無意還家月正圓新

巢看燕壘故物失青瓊問我諸姑在牽衣各泫然弟少失怙

時從父繼沒惟一姑在室

言辭九子勝重問五湖船何事違初地難忘此昊天嶺

梅猶歷歷墓草已芊芊惟愛荆花茂南歸在雁前弟以思親

自九華歸同祖弟三人已葬祖叔於祖墓

升堂先告祖今日慶曾孫拂盡風塵色新添涕淚痕烏

衣本初服白髮有諸昆願爾勤脩德重高駟馬門曾祖五子

從祖其季也司李嶺南有惠政

竹林思夙好少小比肩隨問疾來禪客披圖許畫師一

經惟子在三黨幾人知喜慰泉臺望階前玉樹枝從叔好禪

善書

酬張洮侯

滔滔塵市裏之子自悠然能着幾兩屐權牽岸上船剛

詩四始外頌酒七賢前被髮行吟者誰知是列仙

第五聲名久騷壇早擅場春風解時佩子夜獨飛觴河

漢驚無極瓊瑤報不忘他年耆舊傳寧復數襄陽

祖德猶能述雄心許自誇三秋辭落日五世相韓家窮

蒼迴車轍微霜點髯華元經奇字在何處覓侯芭

別墅神仙下山光落少微鳥飛如欲倦客至自忘歸別

閣凌霞嶂銜杯送夕暉投竿從此去好掩故園扉時年

諷之還

從祖太僕府君輓詩

從祖吾宗詰名因司馬傳宦成知減產食少為籌邊白

羽千門靜丹心萬里懸滕公如可作還欲象祁連

獨有君恩重其如直道何夏官時造膝春殿憶鳴珂自

隔燕山月長隨滄海波旄頭猶未落遺恨滿關河

誰云非拙宦十載尚書郎部曲過驃騎風塵老驢驕龍

庭何日掃麟閣竟誰藏天子徵王會遺謨問職方公在職方

先後十年

寥落山陰道秋風古木疎若耶溪上叟猶問使君車陶

令無長物黃公有素書峴碑誰不歎灑淚獨愁予公起家山

陰令癸未夏余在越間計

秋歸述懷示陳子威徐惠朗

作客三時別還家雙徑新據梧甘寂莫把袖問風塵禮

俗紛相向窮交晚自真朱顏渾未改青眼對何人

狂簡原吾黨飄零此一時那堪嘗俯首安用鬥蛾眉嵇

阮憐同調羊何好賦詩西風吹客袂珍重歲寒期

藝海珠塵

輞川詩鈔卷四

七

出塞曲

三河擅游俠六郡出良家
侯月雕弧滿隨風玉勒斜
龍庭分堠火魚海逐輕車
更遣蒲萄使秋來上漢槎
角弓金僕姑寶劍玉韉韃
百戰隨驃騎三秋下虎符
蘆笳吹白羽沙月照玄菟
何日空南漠饒歌動帝都
突騎遶漁陽開邊過朔方
將軍列幕府校尉得名王
匣裏雙龍劍腰間七寶裝
年年馳大磧青髯滿胡霜
古戍寒霜暗孤烽白草秋
來依光祿塞去斬郅支頭
甲第連青瑣牙幢擁碧油
麒麟應不遠為爾問封侯

折楊柳

客裏三春柳飛花起暮寒
相逢灞陵岸幾日憶長安
纈戶寒珠箔紅亭映玉鞍
烏啼天欲曙誰道別離難

題史翰林致身錄

野老譚遺事孤忠史祕書
白龍真不測青簡竟全虛
九死甘沈族千山好結廬
高皇能養士涕淚遍樵漁
赤符歸北極紫氣忽南遷
讓國非無意從亡又幾年
風雷虛負展龍象護安禪
春到松陵道山山哭杜鵑

仲夏喜得元亮周公閣中書

高卧移長日孤鴻嶺外歸
開緘情不盡失喜淚重揮
眠食將無損親朋在亦稀
知公增嘯咏春雪點征衣

今春忽大雪三尺
許公有詩紀之
八年嗟缺掌萬里類投荒溪
恩留召芟新句寄奚囊獨有長安近春風到瘴鄉

冬日又聞公三山解圍之信再賦前韻

傳聞周僕射一戰解重圍海雪連銅柱山風動鐵衣論
功讓幕府引領報親闈何日長干路饒歌夾道歸
海上軍書至旌旗接大荒背城雲陣黑環甲日輪黃
水歌韋虎中山付樂羊故人能草檄撫卷與飛揚

送周宿來出守枯蒼

西省常移疾東方領郡符為郎稱拙宦傲吏得仙都

嶂斜通粵家山近接吳少微星歷歷曾否憶潛夫枯州北應

星處士

還憶越遊日翩翩記室重孔璋同草檄康樂獨扶筇險

奪桃花隘烟銷獅子峯十年食舊德耕鑿遍山農余昔與宿

來後先客越中大樽先師以壬午平栢寇

信陵門下客毛薛最知名有酒嘗同醉無衣愧獨生余

為三折誤爾已一麾輕莫問升沈理相看淚滿纓

甲戌仲春病起日千來晤兼贈新詩賦酬

頽齡忘節序卧病復經時忽枉故人駕方思春日遲形

骸同土木杖履許追隨况有枚生發蹙然不自持

三年復相見二老尚歸然鄉里俱無恙兒孫莫問天人
生本憂患世事任推遷高想羲皇上何妨跛腳眠
經年不入郭每至輒相過接武從余蹇揮毫對客多勞
生如鹿夢別恨賦驪歌一往深情在惟應喚奈何
蓮社遺風後君居第一流我交天下士惟向古人求大
藥曾何有浮名祇自羞行當拔宅去雞犬不須留

乙亥臘月挽日千

別時日南至傷逝忽嘉平頓覺葭灰冷還疑蟬蛻輕生
來鮮長物老去厭浮名多少吳中士天邊悵月明
早謝龍門籍晚從蓮社遊緇衣常不改皂帽復何求掃

徑看朝露臨池狎海鷗室中有皓首自許謔黔婁
伯仲皆吾友論交晚更宜談元秋水外問疾散花時長
夜終須旦窮泉欲待誰好將一抔土葬爾近要離
故友嗟垂盡祇君共歲寒喜聞七箸健愁見步趨難南
浦催歸棹西林懶倚闌離懷曾幾日便作古人看
為憶客登然喜得君論詩銷短燭把酒對停雲生
死情相見人天路不分虎賁今更遠誰復念離羣
天上將愁寄人間行路難影形堪自贈歌泣總無端空
谷徐孺子神光管幼安高山猶在望已矣為誰彈

戊寅元日口號

浮生遂八十卧病已三冬祇近藥爐煖誰知栢酒濃迎
風常欲仆充耳又加封喜有葛陂杖猗然跨兩龍客歲靈隱
寄一杖久謝西麟筆何煩壅白為亦知結習累彌覺履冰危輾
轉終宵寤昏淪白日馳營邱同一夢蜉羽不須悲

藝海珠塵

輞川詩鈔卷五

王 湮篋

七言律詩

寄獻漳浦黃先生時在大滌山

元蓋棲真訪列仙講壇卜築自何年雲中猿嘯千峯雨
簾外花飛五色泉吾道未窮悲虎兕有人獨立媚嬋娟
先生莫擬龜山操帝夢於今到洞天

藝海珠塵

輞川詩鈔卷五

南滙 吳 省蘭 泉之輯
奉賢 金 祖錫 价藩校

秋日重過白燕菴

東臯十畝向柴門，衡宇依然一徑存。
今日黃花娛客眼，舊時白燕語荒村。
寒流激灑芙蓉岸，木葉蕭疎薜荔園。
歸去夕陽隨杖底，秋雲片片落平原。

寄懷桐山方直之陳默公時流寓白下

縱陽遊俠擅風流，作客江東幾度秋。
七子龍鸞文筆少，十年豺虎故園愁。
據牀却聽桓伊篴，對月同登孫楚樓。
悵望征鴻何處去，吳雲千疊水悠悠。

寄懷陳大樽師

使君高對越山青，卧閣雲深花滿庭。
地盡東南收竹箭，

時無王謝想蘭亭，茫茫禹蹟探神簡。
歷歷巖灘隱客星，

可憶絳紗人寂莫，滄江煙雨恨浮萍。

五湖煙水放扁舟，少長追隨載酒遊。
一自陽春高郢曲，

至今明月照吳鉤，名山吏隱堪瀟灑。
藝苑才人自唱酬，

更有饒歌絲竹裏，樽前倚劍海雲秋。

時以越理平括宓

贈錢彥林職方

手題飛檄奏甘泉，裘帶風流自昔年。
部下義師麾白羽，幕中詞客種紅蓮。
五陵秋雨滄江外，三徑寒松夕照前。
江海遺民君未老，素書深夜有誰傳。

故國新亭淚未收，違時無計更依劉。
折梅歲晏關山變，

灑酒春陰洞壑幽金馬高牙來異域彦林先生嘗開府滇南伏龍
抱膝願同游余時從大樽師客其家牆東愧我真寥廓亦向風塵
解崩縵

彷彿村夜雨追悼錢漱廣同大樽師夏存古及其仲

弟不識彷彿村錢氏別墅

迴風朔雪下巖城客子相逢問九京絕澗冰漸流欲斷
曲臺燈火夜偏明來攀彭澤門前柳忍聽山陽蓬裏聲
滿酌金壘難共醉幾回清夢憶平生

秦川流寓歎滄波高館重來失嘯歌清翰凌空歸夜壑
素車遺恨滿山阿淒淒寒雨迷賓雁裊裊疎簾拂女蘿

曾與中宵同起舞不堪獨自枕瑠戈

存古將卜居神山賦寄

漸離擊筑慶卿歌四座悲來奈若何南望沅湘秋水碧
東尋滄海暮雲多遯荒有地逢薇蕨掩卷何心詠蓼莪
滿目風煙愁不盡與誰揮涕對山河

丹邱碧館麗清都縹緲笙簫近有無谷水殘春明積雪

蘭陵遺樹亂啼烏山有仙館梁簡文碑七哀共爾追王粲九辨何

人弔左徒舊日同遊俱雨散遺文空在北山隅

野哭

永嘉王氣黯江東萬里神州慘淡中魯國豈無孔北海

藝海珠塵

朝川詩鈔卷五

三

秦人猶說楚南公行吟澤畔聲常咽野哭深山路易窮
空有門人悲薤露九京烟雨不相通

吳山越水思悠悠十載登臨憶勝遊紫玉墳邊同悵望
白樓亭上舊風流西州空灑羊曇淚東郡誰憐翟義謀
不見胥江千古恨濤聲長震海門秋

雒下聲名並李膺龍門天半許誰登秋風零落三千客
暮雨寒生十四陵毳帳盡開青瑣闥明駝先踏玉河冰
魂飛故國知何處擊筑悲歌意不勝

春陵佳氣蔣陵新苦憶先朝侍從臣東省伏蒲傳諫草
北軍持節著綸巾白門搖落三春柳青蓋飄零九陌塵

浩浩江波流不極幾人攜手弔靈均

激水烽高靖白波功名那復數朝歌樽前羽檄飛風雨
江上樓船到鷁鷺填海每銜精衛石回天欲奮魯陽戈
狄鳴猿嘯非無意夜夜星芒照薜蘿

平林新市起專征誓掃欃槍立漢旌四七競傳赤伏語
太子親授白猿兵主恩莫報登壇重國恥應思蹈海輕
多少彈冠稱義士滄洲島上哭田橫

新亭昨夜動胡笳野色蕭條廣柳車結客幾傾屠狗市
報讎曾到博浪沙春來杜宇啼荒草水急湘潭落暮霞
一對湖風腸欲斷不堪重問武陵花

海水分飛欲種桑三年掩涕賦同裳謀秦不用空遺策
報國何人肯望鄉北地刀環懸夜月南天雁羽散清霜
可憐毅魄成黃土不見雲臺起雒陽

湖海人豪世所師當年簪履盛南皮機雲宅畔論交後
蘇李河梁錄別時是春先生與李舒章別壯士枕戈非舊侶野夫
懷血有餘悲夜臺祇是彭咸在夏忠惠先生搔首蒼天賦楚

辭

一生作客信陵門舉目河山滿淚痕淶水平蕪留碧血
白楊衰草正黃昏公孫肯為孤兒死豫子難酬國士恩
何日重瞻司隸節祁連家上一招魂

過蔣大卿湖上園亭有懷大樽師

紅亭碧澗石粼粼谷口重來正暮春芳草自開三畝徑
布帆無恙五湖人誰言丹棘能蠲忿尚有桃花可問津
戀戀故人吟永夕荒雞啼罷轉傷神

一夜春殘落柳花迷離小苑隔平沙鹿門舊是龐公宅
羊仲方知蔣詡家亂後烽烟餘故壘愁來風雨雜鳴笳
酒醒却憶平生語淚灑西州日影斜

武原陳伶遠至雲間訪予不獲聞而却寄
三年野寺送君時夜半殘鐘鬼火移永歎幾驚遊子夢
重來真慰故人思種山采菡應難再吳市吹簫欲傍誰

為憶湘纍頻拭淚玉差聯袂薦江離

伶遠亦大樽先生門人

得玠右兄訊感慰却寄并問仲兄名世同舍閔子

春盡平臯獨荷鋤哲兄百里報雙魚黃圖雲散歸長歎

白水歌成好著書求仲結鄰應不遠周郎讓宅意何如

西陵風雨堪酬獻却愧行吟未卜居

南明山下日初低甲楯風烟接會稽胡馬清秋驕苜蓿

子規暮雨泣棠梨歸來皂帽還依舊老去青箱可共攜

常憶剡中官舍好登臨無侶獨淒迷

兄自越歸

寄懷張子退追憶其伯兄子昭

海內交遊盡轉蓬故園烽火夕陽中四愁伊鬱憑誰語



三戶飄搖室半空猶幸他鄉逢劇孟自憐同日愧臧洪

那堪重聽離羣雁魂斷關山訴朔風

三十無家為報韓海天東望暮雲端奇令原上腸應斷

杜宇聲中淚未乾趙氏孤兒文祿護慶卿賓客白衣寒

知君念我同裳侶讀罷離騷更倚闌

春興

寂莫幽居獨閉門三春風雨暗荒村堂前海燕驚新壘

澤畔江蘼滿故園老至漸思榮叟樂狂來尚念武陽恩

平生不負漁樵約十載鶯花酒後論

煙景蒼茫遍五湖春流澹灩長新蒲家無黃犢堪供吏

匣有青萍敢借軀
雨後花飛杜宇血
風來柳散白門烏
關山多少傷心事
年少徒勞說棄繻

江南三月鬪新粧
寶馬香車對艷陽
詞客欲投青玉案
冶游初繫紫羅囊
秦樓日暖鶯啼急
隋苑春蕪柳葉長
回首笙歌清夢裏
琵琶彈徹海雲黃

今年寒食雨霏微
烟火千家漸欲稀
野哭未銷新鬼恨
鄉書久與故人違
燕山夕照迷銀海
鍾嶺陰風偃翠旂
聞道龐公方渡河
客來炊黍尚忘歸

探奇南到會稽來
上巳東風一舉杯
白日雙珪大魚穴
青山萬點越王臺
江關詞賦多哀思
幕府風雲少霸才

曾是六龍飛動處
登臨無地不徘徊

扶桑日月隱南天
海上遺民未息肩
持節使須分帶礪
請纓爭起護樓船
張陳讓印今誰在
劉段登壇更幾年
異域那能飛雁帛
每逢春盡獨潸然

自別江潭淥水深
三年不見悵行吟
鸞凰日遠無奇服
虎兕途窮獨鼓琴
猶有舊交知豫讓
可憐故吏似盧諶
幽蘭杜若傷春路
讀罷遺經淚滿襟

南皮遊覽結交初
箕穎論心慰索居
隴上空懸季子劍
懷中未報秣陵書
酒壚春醉逢斜日
鄰省聲妻夫汝盧
海水高臺方浩蕩
金徽一絕獨愁予

憶惠朗也

上苑花飛御柳絲
葱龍煙樹鎖龍池
已誇絕域來符拔
更著新冠飾駿驥
種就葡萄騎玉勒
吹殘罽粟醉金卮
漢宮舊事誰曾記
青塚春光又一時
初聞飛將起雲中
又見魚書上黨通
三晉關河誰逐鹿
二庭玉帛問歸鴻
李陵臺外清沙白
魏豹城頭獵火紅
為憶武皇親駐蹕
煙花十部奏離宮

送范樹鏐游閩同子固賦

送君南去不勝情
黯淡灘頭春水生
花外杜鵑啼古戍
雲邊榕樹接山城
江關亂後詞人少
海舶風來客夢驚
為問無諸能佐漢
千年旗鼓尚分明

旗鼓二山在福州

暮春滄浪同張子固董得仲賦并屬吳門諸子和之

祇園香散雨霏霏
燈暗花明獨掩扉
幸有樽前堪坐嘯
愁看客裏換春衣
前山煙樹迎遊屐
近水滄浪賦樂飢
可是梁鴻無姓氏
暫時皇庶得相依

闔閭城下舊亭臺
雨後西山積翠開
古殿尚餘蒼蘚在
春流曾見錦帆來
吳都風物歸三賦
灞岸登臨有七哀
莫謂勝遊增悵望
一時酬唱建安才

寄懷沈貞蕤編脩出藩大梁兼問華萃山人

京華惜別正秋清
錦字殷勤賦北征
聞道馬卿來雪苑

豈因嚴助厭承明
豫州節鎮原無匹
河朔賓僚舊有名
春到龍池楊柳暗
行看前席慰平生

昨歲驅車過大梁
黃河飛雪淼茫茫
虛臺不見夷門老
曠野還吟阮籍狂
冬日魚龍愁瓠子
秋風羽獵憶長楊
憑君寄語題詩侶
北郭松筠未可忘

秋日閔伯宗中山邸中話舊

為愛鳴琴獨放舟
庭前一葉報新秋
夢回梁苑家何在
酒醉中山我亦愁
海上烽烟還北指
天邊河漢向西流
騶駟典盡空詞賦
愧爾殷勤慰倦遊

周雪客招飲有懷元亮公在閩

元亭清露落樽前
三載登臨意惘然
鳥度松林風謾謾
魚窺蓮葉影田田
狂吟莫慰窮途恨
秋月應銷瘴海煙
最是條侯愛父客
匣中孤劍倍相憐

為閔宮用題像

與君躍馬古夷門
風雪交情酒後論
片語真同季布諾
十年未報信陵恩
書來嶺海人無恙
謂元亮公也客散燕關
爾獨存賸有黃金堪寫像
五湖煙月照清樽

春日再寄貞蕤於大梁

龍上題詩寄日邊
梅花鄉信隔三年
平臺詞賦今何似
宣室徵書尚渺然
子夜角聲催漏永
辛盤綵勝鬪春妍

酒闌可憶荆南伴月上天街倚醉眠
喜劉臣向至卽送其栝蒼之遊
聞君耕釣大江濱十載心期託隱淪檻外風帆收楚蜀
夢中煙月隔梁陳逃名昔日因鈞黨作賦經年未逐貧
東海爲余勸寄問仙都賓客是何人
春日讌集董閬石齋懷陶冰脩
擊劍高歌動客情隔林荒苑亂啼鶯風迴芳樹花先落
雲斷紅樓月更明少日攜琴追叔夜醉來罷酒憶公榮
百年莫負三春樂老至難忘是友生
送溫陵蔡孝廉之瓊州

茫茫萬里泛仙槎郡入朱崖隔歲華官舍自巢翡翠鳥
故園初發刺桐花折腰薄宦逢時懶焦尾知音向客誇
莫歎遠遊窮海外古來才子半無家

贈陳子威

十年以長常兄事今日幡然一老人少遇太平忘帝力
中更離亂幸全身清言許入支公坐安步何知顏蠲貧
惟喜兒孫通世好年年共載學荀陳
七十年來逐飛電華胥國裏夢忽醒同遊祇餘我與汝
相對還如影贈形鬢眉早驚四皓白琴樽獨留雙眼青
近聞蓬萊水更淺寂寂滄江老客星

二孝子詩有序

二孝子者孫伯子止文仲子放質也孝子父太僕公守深州崇禎戊寅兵至城陷公題詩蕪萼亭引刃自剄於城上公父年七十餘亦不屈死之仲子守父屍不去身被數創絕而復甦伯子在家聞變走京師伏闕上書有詔贈公官如例并旌其父閭二子營葬其祖若父於元墓山隱居不仕伯子今年七十仲子年六十時人稱二孝子焉

當年徒跣走長安雨雪滹沱道路難疏上漢廷雙闕震

傳來回命九天寒山中樹盡風偏急籬下花開酒未闌

珍重尚書曾幾載世人已作伏生看

五世論交世所稀況通親串喜相依白頭兄弟聯書幌

卓帽春秋一布衣每到虎溪添笑語先生仲子鶴山間和尚嗣法元墓

看鷗鳥自翻飛海田亦是尋常事惟向天邊禮少微伯子止

人生大節惟忠孝三世相承曠古無杜宇啼殘血影碧

蓼莪讀罷淚痕枯曾聞丁令歸華表今見黃公隱具區

七十二峯皆頰首讓君縹緲一峯孤

君生視我後一月已是神皇末命年鄉齒自應慚馬長

家聲猶得附盧前
蕪葭亭下無人迹
鄧尉山中有墓田
百里梅花天際水
春風常放五湖船

孫仲子放質

已未正月過介公蘭若訪日于會公他往明日公
人主大以卷索詩即事題贈公年五十有三落句因戲

及之

三年曾未到西林
悵望浮屠隔樹陰
爲問維摩忘路杳
那知慧遠入山深
投來詩卷天花散
坐久香臺日影沉
五十三參今付汝
肯容二老一追尋

重聞蔣大鴻歸里賦寄

邈邈停雲遠莫攀
傳聞來往若耶山
只疑梅尉隨仙去

何意遼城化鶴還
禮俗有人憎白眼
高真無藥駐紅顏
廣陵絕後朱絃斷
獨撫枯桐日閉關

張友淇妹倩同諸甥至村居

空林風急雨如絲
遙喜扁舟入浦時
親戚每淹情話好
兒童莫惜望春遲
擷來山韭無兼味
折取江梅更幾枝
物外疎狂添老態
燈前霜鬢共參差

臘日信宿超果山房示諸禪友

天台智者梵王師
歷劫威光無盡時
漫說一花開五葉
須知雙樹本同枝
經臺日澹香成霧
丈室寒燈月滿池
何事浮生耽宿夢
殘年鐘漏更遲遲

楚公訪大樽先師遺詞錄寄感賦

簡點遺編寄故人封緘題罷淚沾巾相纍漠漠歸長夜

杜宇聲聲恨暮春師友云亡天莫問神仙漫說海揚塵

六陵寒食東風急待爾哀歌泣鬼神師寒食清明詞丁亥絕筆也楚公為

宋義士唐珏作詞傳世故云

贈曹魯元

曹公八十好鬢眉書法年來老益奇雲起赤霄飛鷺鷥

夜深秋雨走蛟螭索郎未盡髻先醉小史無言袖半垂

莫笑得羊羞遊態練裙親灑墨淋漓

西林訪日千魯元追憶介師題卷前韻示鑑一上

人

三秋兩度訪西林祇為窮交慰好音老至風神彌散朗

興來草聖自蕭森鉢龍未遂奔雷動野鶴宜隨落葉陰

最憶遠公能置酒不教謝客亂禪心

寄懷何次張

年年錦字寄秋鴻晏歲猶勤尺素通常自杜門愁脚氣

者余不出戶胡然草檄愈頭風君有是疾清吟東閣春偏

早偃曝南榮日未中江海只今無謝客羊何屬和許誰

同君與袁介人倡和

楚公曩以所著新詞索序余心許之愁病未成也

今來問前朱彥則自楚入滇三載今自滇至粵
年六十矣寄懷二章

夫君家世鳳凰池書劍飄零此一時樂衛元言今日少
紀羣交誼古人脚無婚嫁煩生事是處山川惜別離重
憶登樓作賦處折梅須寄向南枝

君尊人庶常公婦翁李學使皆舊交粵亦

舊遊地

楚塞歸鴻更遠征劫灰飛盡鑿昆明蹉跎我輩十年長
汗漫人生萬里行姪婦探珠乘月上雙僮負弩出林輕
西都燕喜尋常事叢桂山中有舊盟

贈諦暉上人

上人自靈隱歸龍井今至石林

偶載巾車郭外遊春風引勝入林邱去來靈鷲原無住
潛見神龍可自由看竹徑行容傲客臨波隨意送輕鷗
知公早識南華義屋角梅花點白頭
疲却津梁學閉關喜逢靜侶任追攀不因陶謝還沽酒
豈有巢由更買山忽忽風旛清夢後依依花藥滿林間
勞生漫說無生話相對無言盡破顏
酬聞石
笠澤西來谷水分孤城黯淡隔停雲終年謝病偏容我
早歲逃名獨有君猶幸晉狐傳信史何須劉枕祕鴻文
殷勤欲報無青玉先向殘燈把硯焚

爲辭繪式逐冥鴻歸卧滄江道未窮尚有紵衣酬縞帶
肯將絺綌對淒風漢宮圖畫沙場裏楚澤芳蘭蔓草中
流水高山千古在莫教孤負嶧陽桐

送旅山鶴山二上人探梅元墓

嶺外南枝五葉深惟容二士喜招尋始知鄧尉漫山雪
却勝祇園布地金香霧乍開春寂寂湖光欲動水沉沉
荒村尚有看花約把臂歸來共入林

題王爾求山人書屋

負郭平疇好結廬終年却掃賦閑居自栽花藥成芳徑
爲愛禽魚俯碧渠雲水偶來元塵在琴書獨對夜窗虛

惠莊惟我東牆近門外無煩長者車

日干病起至西林過訪草堂喜賦

一日不見似三秋況復經時失倡酬我愧文殊能問疾
君來惠子得同遊世間無地容投老天上何人可寄愁
指點晨星今落落桑榆殘照有誰收

又寄日干

伊人南浦拂荷衣采采蒹葭露未晞每對黃花偏止酒
一從白社便忘歸加餐爲愛秋菘晚閉戶惟看野雀稀
室邇不知人已遠頽然形影自相依

秋日村居感懷

閒扶鳩杖履微霜學圃無成半就荒紅樹依然臨曲沼
黃花聊復近疎廊食新喜動兒童色懷舊愁看鴻雁行
正是凜秋日欲暮又聞鄰笛似山陽時吾友林子安國
初逝南村錢章遠
先田祖無神我稼荒連天冰雪斷河梁尚餘蟋蟀吟寒露
獨訝芙蓉好拒霜遲暮先悲石友逝空庭又歎木奴亡
春華秋實嘗同盡蒲柳蕭蕭漫自傷歲凶嚴寒
吳橘盡萎
秋原蕭瑟接平沙霜絮紛紛點鬢華老去無心吟伏櫪
客來隨意坐看花瘠田樂歲飢難免短晷孤村日易斜
此月授衣應已晚西風先到野人家

衰年善病惜良辰又是悲秋物候新何事實鴻懷故國
幾曾化蛤認前身孤雲天外原無主叢桂山中若有人
對此茫茫嗟失路漫從瀛海問迷津自甲申至今歲辛
未而化蛤始盡矣

九日酬趙虎文

秦川詞賦歎飄零老去滄江冷客星豈有白衣開野徑
惟容秋菊點空庭引商高曲難爲和流水知音許獨聽
不是遠希嵇阮意若逢琴酒眼偏青

桂秋兩度貽詩寄此酬之時日干適至子壁初逝
送君南浦幾神傷谷水盈盈此一方錦字忍教三歲滅
鴻書嘗帶九秋霜何當隱士招山桂又見晨星落屋梁

爲問鹿門誰是客他年耆舊說襄陽

贈僧入都訪笑巖祖塢西遊五臺

南枝零落百年餘一葉重開萬歷初軒鼎已隨劫火去
窳波猶傍禁垣居爲思遺教尊雙樹莫謂浮生似白駒
拂盡緇塵京洛客好從門外覓文殊

甲戌人日厓秋寄詩見懷僕病未酬也花朝枉過

喜遇日干遂成一律

人日題詩寄草堂花朝扶杖到江潭何須命駕思千里
却喜扁舟水一方鸞翮難老夜虎賁彷彿見中郎
暮年烈士今有幾爲語平生永不忘

病起

殘年愁病苦相從病起愁來涕淚重眠類律陀等失目
書傳玉潤爲頭癰候門今已荒三徑下食猶堪視六龍
何肉周妻都是累拂衣歸去莫從容予久患目疾今春
癘發于首八孫殤

其二

甲戌闕文逢夏五庚寅初度又天中揮戈安得回腸谷
匿影何須畏射工漫說神仙多惡疾爲傷兒女累英雄
寄愁無處空翹首奕奕星芒入斗紅歲在甲戌閏五
月熒惑入斗

乙亥仲夏送鶴山上人入元墓山

蚤拂塵纓禮覺王蘆花深處月茫茫孤雲出岫原無意

幡影隨風漫自狂始信劫灰留碩果歸然法苑見靈光
當年休夏戟眉客待爾重開選佛場崇禎乙亥蜀師尊
吉至松赴元墓結
夏子作詩送之師入粵山後著
五宗救傳世忽已六十餘年矣

[Faded bleed-through text from the reverse side of the page]

藝海珠塵

南匯 吳 省蘭 泉之輯

上海 沈 光墀 虞賡校

輞川詩鈔 卷六

王 澐 纂

七言絕句

黔中楊中丞龍友先生子少時博士師也二子都
督愛生司農貞生與子同學舍前年先生戰沒
於梧州貞生殉焉傳聞愛生單騎突圍不知所
之仲春朔夜夢見愛生勞苦如平生覺而悲疑

不能自勝成詩十章亦長歌之哀矣

天涯兄弟早隨肩湖海交情二十年半夜雞聲驚祖逖
後堂絲竹謝彭宣

夢裏鬚眉已半蒼摩挲寶劍落清霜半規春月牀頭影
今夜隨君到夜郎

南徐秉鉞陣雲寒君亦初登大將壇父子一門開幕府
二郎昨日又彈冠

西華門外是君家罨畫池塘御柳遮帳後情人歌碧玉
樽前小史按紅牙

平津東閣盛如雲燕頤龍韜獨數君玉樹一聲江月黑

胡笳吹斷水犀軍

括蒼日落隕鸞旗仗節中丞血戰時聞道突圍憑鐵騎
可能滄海借金椎

乙未季秋別元亮周公南還冬日偶客湖上得周
公自京赴閩之信悵然有感

一道天書下九閩中山滿篋尚誰論大梁國士如雲在
仗劍何人解報恩

三年生死歷兵戈南北關情別恨多莫訝道旁皆白眼
翟公門外已張羅

丙申秋日哭殤弟

三年腸斷共廬居每向西窗自學書最是憐渠能似父
階前安步意踟躕

汝從襁褓失慈闈我父提攜淚滿衣今日西堂竹馬伴

倚門還欲望渠歸弟與諸子同學舍

前年汗漫走燕京聖室先亡汝仲兄何事荆花易搖落

更將常棣結來生甲午秋遭先君之變仲弟以是冬夭歿

曲臺四始學趨庭手澤如新每淚零汝到九京無別恨

好從我父問遺經弟通詩禮皆先君口授

易衣并食不為難尚有遺廬強自寬一自春令驚散後

分飛不得一枝安自弟殤後予與三弟遂失故居寄人廡下

兩世傷心負土遲棘人中夜涕漣漉何緣又與添殤子
願得為兄更可悲

悼唐解元肯堂

璘珣玉骨小楊羲毅魄乘雲入武夷汝似棠君成死孝

廬中亡命有誰知

遺恨君親志未酬將軍腰下有吳鉤天南萬里茫無際

何處吹簫說報讎

下公赴義惟慈母袁氏傳家是愍孫祇有舊時同舍客

秋風客散哭夷門中丞太夫人攜孤孫歸白下

十年風雨憶從容憐我疎狂酒態濃不信此生真死別

下邳橋畔倘相逢

題夏存古舍人遺集

崑山婉變弔湘纍宋景相逢憶我師每對朔風獨掩淚
寒窗又讀舍人詩

最憐同病出重圍攜手相從白社歸死後媿君兄事我
數行清淚濕緇衣

夙慧如君似孔融龍鸞十五擅江東大哀一賦凌雲氣
永夜寒光射白虹

玉笙一去冷緱山羽蓋靈風夢裏還莫謂覆巢天不問
鳳雛亦是厭人間

彷彿風雨夜銜杯屈指論文醉幾回最惜邵生詩句好

玉樓同跨紫鸞來夏子嘗稱邵景說詩

南天佳氣日重輪西掖承恩御墨新遙望五雲飛不到
子規聲斷泣孤臣

下江旗鼓動江城弱冠終童獨請纓一旅戈船親草檄

三春蓮幕夜論兵

三賦無衣聲轉悲茫茫滄海蠟書遲報韓公子今搖落
黃石橋邊欲待誰

白楊北郭莽蕭蕭送子南冠客路遙說到枕戈添哽咽
千年碧血恨難銷夏子赴義時子同顧子韶送之北郊

童鳥九歲受元文一卷遺編斷碧雲落月清楓荒草野
憑將雙劍弔孤墳

張君子固先祖門人余之執友也其嗣君子周又
與余同學壬辰余入閩癸巳冬歸則于周先以
是春歿矣越半載子固亦卒無後不勝兩世之
感哭之以詩

累世通家似孔融交羣拜紀正相同三年風雨寒窗話
一日淒涼總帳空

梅風初發荔支新惜別殷勤問七閩越布單衣獨自著
可憐不見解衣人憶與于周別時語

南歸匍匐到西河握手傷心話轉多淚眼看君驚瘦損
那知天道更蹉跎

父子情深欲語難每逢知己淚重彈青鳥不信成虛語
雙鶴沖天不忍看子固好相塚

兵戈叢裏定交初詩句沉吟獨起予三賦尚虛元晏序
九京應報秣陵書余嘗許序其詩未就

俠骨詩懷孰與儔燕南趙北想同遊故人海上登陴後
可爲西行惜賈彪君以急周公之難卒於京邸

聞周公復自閩追赴京
淡蕩天門曉霧凝何人白日賦青蠅自傷赴義慚虛左

不敢人前說信陵
十載聞山望玉關南冠今日許生還君王若問雲中事
百戰重圍鬢已班

仲春大雪漫效元人體題顧寄園傲右丞江上七

樹

七十風流老畫師練裙紈扇竹枝辭無端催卻春歸去
獨翦孤燈對墨池

我家右丞江上樹近在滄洲尺幅間今日爲君重設色
滿天春雪點春山

初至家園漫成口號

來歸自楚三千里作客於今二十年收卻行滕堅閉戶
不知門外有桑田
入門春水漲平湖十畝清陰暗綠蕪莫笑漸荒松菊徑
山妻終歲種交無
偶從江漢漫投竿滿目風濤白日寒爭似烟波漁艇穩
半輪新月卧來看
兵戈塞道斷音塵楚澤歸帆僅二旬稚子侯門驚失喜
鄰家爭認戰場人
巴邱笳鼓震江關何意征人計日還夢覺西窗啼鳥亂
始知昨夜到家山

藝海珠塵

朝川詩鈔卷六

六

草堂宛在水中央坐對浮鷗可共忘宜學於陵陳仲子
灌園終日爲人忙
日歸早已誤三春孤負殘紅陌上塵留得青松如舊友
新添修竹待幽人
冰雪連天殺氣屯歸來猶見故園春朱顏盡向沙場老
何況龍鍾白髮人
海內山川行過半祇留秦晉與滇黔不將遊岳偕禽尚
且自沉冥慕蜀巖
投老殘年厭甲兵息機從此事躬耕買山何必充高隱
扶杖惟應說太平

寄陳默公

三十餘年大海塵青燈相對白頭新何須苦憶龍山好
且待秋風再采蓴
華表重來鶴影疎五茸城內半邱墟傳經愧闕邱明傳
對案新裁諸葛書
舊友遺文兩擅奇一朝同遇喜成悲始知神物終當合
悔不留君共讀之是日適得大樽先
別後兒從隴右還秦川鼙鼓震關山九峯尚有神仙宅
留與幽人好共攀臨行有相晤神山之
卽事戲贈程克宏程子善

流水高山事渺茫賞音今復見中郎東遊不用尋元歎
階下將雛有鳳皇
賭墅風流世所師小兒破敵欲何為我曹屐齒渾無恙
此局全輸亦解頤

贈孫錫黃移居

聞說東臯好結廬繩橋竹塢映清渠儘堪補入真人畫
數卷圖書一兩車書苑有孫真人移家圖
一畝之宮雙徑存晚松早韭足晨昏老親七十猶強飯
稚子三人喜候門
小山招隱野人家叢桂森森倚檻斜客至不知誰是客

登樓閒坐看飛花

學圃鋤經三十年買山生事尚蕭然共知司馬家徒壁
卻勝思光岸上船

悼黃函輝

白石山荒草蔽門徵君弟子幾人存中郎去後知音少
又向當年憶虎賁君為陳徵君高弟

詞苑推君善屬文清言揮麈氣如雲空懷樂衛同冰玉
正始遺音那得聞君為張伯安先生婿

相逢展卷話嘉隆指點山邱華屋空一自白頭人去後
西京誰復記新豐君過余齋觀徐文貞公墨蹟余因與君謀修雲間第宅志不半月而君逝

谷水東流不復西
數椽茅屋草萋萋
從今蓮社晨鐘罷
扶老同誰過水溪

余與君同蓮社

會葬張友鴻賦示趾肇甥

同遊執友附荀陳
總角今看白首新
敢謂生芻追孺子
惟應小宛念先人

碧雞金馬漫神仙
萬里歸來王子淵
黃上一杯今異域
詩名猶是滿南天

日落松門樹影疎
何來雙鶴自徐徐
堂中雞黍嘗虛設
死友誰人命素車

水光山色照豐碑
馬鬣高封莫淚垂
但使有兒能負土
不妨天道竟無知

會葬闈公武靜賦呈麗冲安士

麗冲聖期子安士武靜子俱闈公姪

先朝國士數三徐
闈公聖期武靜羔雁成羣列草廬
今日舊遊

零落盡滿空風雨
送輜車門真善也具長北京無照

南園風雅集羣英
及見先民舊典型
新詠競推徐孝穆

經師獨讓鄭康成
南園公與陳夏諸公讀書處具所員羊妣如永精

秋夜明河星影稀
煙波一去杳忘歸
願為精衛長銜石

肯向遼城化鶴飛
乙酉七夕別嶽風漸負林劉書未辨

間關萬死赴南征
裂眦衝冠意不平
可是棄家韓相國

何如蹈海魯先生

魯先生意不平百景棄不歸

薄遊漳海類飄蓬天外飛鴻送遠風慚負秣陵書未報

暗揮雙淚雨濛濛

癸巳在漳南公寄信至

蕭騷白髮暗神傷嶺表風煙客路長孤負羊城成永訣

臨行惟有哭高皇

公一日與故人別痛哭而卒

公家文貞少司空公友黃門夏考功相見九京無別語

同將浩氣射長虹

公與友人書曰誓與

滄溟來往狎飛鯨負戴相從共死生此日泉臺同笑語

望夫石上有餘情

戴夫人扶公柩歸里

玉樹摧殘未足悲卞公二子自追隨一門節義垂青史

愧殺人間有道碑

公長子殉難次子天歿

阿咸早預竹林遊負土今看雪滿頭莫向松楸頻灑淚

千年兄弟樂斯丘

麗沖為伯閣公營葬同日葬母與聖期合兆

君方束髮我垂髻狎主齊盟笑我驕五十年來如昨日

白楊風雨自蕭蕭

四章詩哭武靜

年少論交不厭多高堂置酒緩聲歌客來便請投車轄

老至空悲設雀羅

古詩

令原風急雨沈瀾覆巢傾卵復成完急難獨君真悌弟

羽毛摧剝不知寒

故舊晨星我尚留平生欲語淚先流告君陟岵無遺憾

幸爾慈孫已報劉安士同日奉大母合葬祖墓

悼田髯園孝兼

懶從木末采芙蓉獨坐高樓指九峯樓外客來君不見
當年豪氣似元龍君家柳上構樓讀書類曰九客

千金一諾重平生此日貧交敝屣輕掛劍曾聞季子義
脫驂重見故人情偉南沒後君經紀其喪事

徵車何似鹿車驅引疾歸來歲已徂豈是交遊無狗監
肯將名姓點鴻都君以博學宏儒徵報罷

絕筆親題處士銘知君身後厭浮名東方尚被侏儒笑
悔不衡門事耦耕君臨沒自稱樂飢處士

藥欄花榭尚依然奇石重開至正年賸有劫灰銷未盡

故侯不及待瓜田君築園亭元季高士邵某故居掘地得奇石甚眾名曰邵圃

哭顧子韶

總角來過大父庭問吾年少一周星何期竟似荀公達
常使鍾君淚獨零君與余世交幼時來先祖家始相識室中自詩書琴

才子相逢竹馬迎無雙江夏喜齊名孔公早入龍門座
叔寶還同樂令清少為夏考功館甥與存古同學齊名

破巢山北又張羅童子南冠慷慨多猶憶當年夏侯色
九京攜手共悲歌存古赴難余同君送之

南郭新桐清露侵閒來揮塵對披襟勝流爭喜談言中

禮俗偏憎諷刺深

典索丘墳一覽全齊諧志外更探玄西京默識推安世

洛下方聞有茂先

矯如白鶴出雲間下士雞羣孰可攀若見遺金輕脫屣

果然一諾重丘山

婚宦蹉跎未易逢相期綦素樂從容室中自有鳴琴在

贈荅無煩陸士龍

君少時失偶中歲後始授室

伯通廡下可棲遲滅竈高風我所師惟幸同心齊德曜

終當身後近要離

君久居外氏有梁孟之風

文人薄命到窮途一卷殘書四壁無總帳寡妻啼別鵠

東鄰有母看慈烏

君少失侍同里彭夫人撫愛若子

弱弟伶仃連理枝易衣出入肯相離知君地下猶勤祝

留與虔刀好自持

君友愛其弟望其有子

十載關干苜蓿盤每憐多病勸加餐席間函丈無高弟

尚把遺文有淚彈

君讀書余家十餘載諸子皆受業

最憶南村風雨時酒闌燒燭更彈碁老夫清夢遽然後

破敵還聞笑小兒

白首登樓行路難慙慙詩句寄江干故園流水依然綠

縱有清琴不忍彈

乙卯余客岳陽君寄詩有云故園新濯情漣水待爾行吟賦樂飢

無端行野讀殘碑蔓草孤墳是祖遺三百年來驚異事

那知新鬼戀真慈君偶見古塚殘碑乃元季時始祖妣墓也今將卜葬焉

中夜思親詠昊天雨餘修墓淚潸然北邙馬鬣知多少

獨爾銜哀入九泉時為其先人修墓未及改葬而卒

分手匆匆已歲除春來問疾信全虛彭殤自古原齊視

不見章翁九十餘君與章翁東生善翁視君疾歸未幾亦卒時年九十有一

癸亥除夕哭山陰徐楚公

賀家湖上老詞人樂府流傳麗句新一代風騷推狎主

青藤高士是前身近世詞學惟君為雅宗君手錄徐文長遺文甚富當以相擬

武昌楊柳拂征塵癸丑題詩在暮春此日春風依舊到

明年修禊有何人癸丑與君同客武昌君賦詩有永和癸丑正則庚寅之句余亟賞之近余

懷君作旅友詩有云人生貴行樂況乃及暮春詩成而聞訃若為讖矣

同舟汗漫遠浮湘山水登臨引興長五岳尚平成獨往

十年楚客復霑裳與君同遊南岳武當已十年矣

老至新知半白頭相逢書劍歎依劉黯然賦後魂重斷

烽火連江獨倚樓癸丑冬別君於荆南甲寅冬余復至荆君已歸矣

終日停雲盼友生年年惠好慰嚶鳴祇慚皇甫遲雙鯉

獨恨洪喬付石城君以新詞索序文成未及寄病中有書寄余亦不至

秋水堂前叢桂開誰招隱士復歸來石麟天上留奇種

詞賦還能斷玉臺令嗣有才名

鏡水稽山我舊遊傳聞委婉蔽虎邱瑤華拾得嘗相寄

夜夜神光燭斗牛余嘗從先師遊越師為祁忠敏公作所藏先師遺草余錄寄之

銅柱初標洱海西將軍書到索新題篋中虛卻賢臣頌從此無人祀碧雞時滇南初平幕府以書招君未行而卒

太史河渠舊有名遺書鄭重故人情騎鯨共逐金龍去一洗黃河萬古清君受知于少保海龍朱公刻其疏草公治河有功與宋金龍山謝公並祀

栗烈寒威墮戶時傳來凶問信還疑病餘又灑殘年淚遙把椒漿酬故知

喜子璧自楚歸

燕趙悲歌老敝裘擔簦又向楚天遊無端驚起巖城角

明日隨君下戍樓時武昌兵變

黃鶴翩然返故邱烽傳楚尾到吳頭詞人老愛江關賦重向玉生話舊遊

鷺羣雲散墨池秋藝苑今看碩果留莫謂巖間無姓氏至尊久已說旁求廷臣以君善書奏聞上已知君名云

先生玉貌復何求每向平津東閣留何事季心名易竊名高端不藉曹邱君久客大名成相國家大治余相國序君文言先曾有客竊君名來謁者

哭董蒼水孝廉二雋才名壓九峯翩翩入洛喜相從祇今多少華亭鶴

那得雲門陸士龍

城南一水似滄浪憶汝看雲到草堂為有名山藏未得
興來度嶺復浮湘

黃金買賦語空傳善病文園好自憐縱使常留封禪草

何人更覓孝廉船君以博學宏詞徵報罷

霜飛暑露夜淒淒繞樹啼烏月影低最是傷心遊子夢

嶺頭又聽鷓鴣啼時仲子遊粵

詩懷酒德任天真嵇阮風流步後塵從此廣陵成絕調

更將青眼對何人

陳季云亡風雅衰君家詞賦棣花開人琴莫為增悲感

春草西堂夢裏來兼慰闕石

虞山柳枝詞

章臺十五喚卿卿素影爭憐飛絮輕白舫青簾隨意住

淡雲微月最含情姬少為吳中大家婢流落北里楊氏

一時有盛名從吳越間諸名士遊

河東女史善箏芳放誕風流獨擅場文選每吟十九首

法書臨得十三行姬解詩知書

鄂君繡被狎同舟並蒂芙蓉露未收莫怪新詩刻燭敏

捉刀人已在牀頭我部有輕薄子錢借勳從姬為狎客

不繼輒從舟尾借作客不知也歸虞山之

之後借亦從焉我友宋轅文有破錢詞

冶服輕韉折角巾到門錯認擲車人胡然一入維摩室

散出空花天女身

姬挾名士札作士人服謂錢宗伯夙聞其名欣然納焉稱之曰河東君

玉堂金屋好藏春

新築朱樓擬上真舉止曾無羞澁態

何妨婢子作夫人

錢納姬構絳雲樓居之真諾安妃降楊君家紫微夫人贈詩有云乘鸞倩

衾寢齊申攜絳雲取以名樓

尚書曳履上容臺燕喜南都綺席開閃爍珠簾光不定

雙鬢捧出問郎來

姬嘗與隴西君有舊約以問郎玉篆贈別甲申南都錢為大宗伯一日譙

客隴西君在坐姬遣婢出問起居以玉篆歸之

早見降幡出九關皤然宗伯領朝班白門楊柳猶堪折

禿髮偏宜對綠鬢

乙西南都迎降錢為左班首

十載黃扉事渺茫重瞻天闕望恩光鳳皇池上無人問

依舊當年老侍郎

崇禎初錢為侍郎與烏程溫體仁爭校卜罷官至是以尚書降及赴北

除舊職遂大失望

夢到華胥異昔時覺來猶幸夕陽遲虎邱石上無名氏

便是虞山有道碑

丙戌錢罷官南歸有無名氏題詩虎邱石上載詩話中

河梁錄別久成塵特倩香奩品藻新雲漢在天光奕奕

列朝新見舊詞臣

錢選列朝詩首及御製下註臣謙益曰云云歷詆諸作者託為姬評

阿難毀體便隆鍾大幻娑毘督地逢何事陽秋書法異

覽揆猶自紀神宗

錢註楞嚴經不書當代年號甲子稱大元日蒙古自紀生於神宗顯皇帝

某年云嘗學容成術自傷其體遂不能御女其稱摩登伽蓋指姬云

遠山初展理金徽祕府圖書滿繡幃巫雨忽來雷伯怒

一朝化作絳雲飛

錢生平所蓄古玩珍寶秘書甚富及自著野史皆藏絳雲樓一日大雨雷

火焚樓僅以身免

芙蓉莊上柳如綿秋水盈盈隱畫船靜夜禿鶯啼露冷

文鴛常逐野鷗眠

芙蓉莊其別業也

陽臺雲散雨隨波白首紅顏奈若何燕子樓中新句少

薜蘿山下故人多

錢歿後姬每自經

哭張友淇妹倩

彈指光陰六十年尊山不問祖師禪文人慧業今朝見

揮手先歸忉利天

樂衛清標迥出塵潘楊世好又重申平生情話知多少

說與兒孫淚滿巾

憶先君也三兒又娶于張

山村來往望停雲把酒論詩坐夜分不謂荀君年最晚

翻將後事付鍾君

與君願向下邳遊老至空憐一蒯緱留得穀城黃石在

何愁子姓不封侯

縛帳淒迷夜氣涼謝庭飛絮浩茫茫庭前珠樹三枝好

分與衰門巷相光

三秋風雨阻相思永別傷心會面遲我欲先驅嗟未得

煩君待我白蓮池

南村松柏盡凋殘從此無人共歲寒最是難忘雞黍約

小山叢桂待誰看

風搖靜樹有餘悲 夙夜常吟陟岵詩 看取高原堂斧近

陶家雙鶴客來時

君幼失恃自擇葬地近母墓

船子灘西好結鄰 蘆花明月影相親 亦知泉路相逢近

執手還來慰棘人

陌上紛紛盡素車 送君歸去度恒沙 人間久已同長夜

此地須當置萬家

題宋楚鴻聽鶯圖

柳花歷亂綠陰齊 拂盡征塵日影低 為聽鷓鴣行不得

閑來好聽栗留啼

載酒東田憶孟公 悲秋不及對春風 摩挲書畫曾相識

四十年前童子鴻

憶丙子之際從先師過其尊人秋士東田時也

金高士德宏先朝勳 胃負性狷介不諧於時生平

喜愠一托之於琴 蓋今之叔夜也 沒年八十有

四 無後入室弟子王子成鄰 屬友圖其遺像命

子題之

濠梁勳舊盡成塵 寥落青門白髮新 獨往獨來誰得問

欲歌欲泣為何人

瞳目軒眉恨不勝 風搖敗壁鬼吹燈 篋中藏得龍髯在

三百年前哭孝陵

家藏孝陵御容

中散風期是我師
 茫茫日影照幽思
 廣陵一曲何曾絕
 尚有當年袁孝尼
謂王子成鄰也
 誰識此君真面目
 影形相贈對孤琴
 縱然添得三毫頰
 難寫平生一片心

字類
 四里外入定後
 王子成鄰
 文圖其畫
 命
 金
 平
 主
 平

